

[B-1601.]

M. CHRISTOPHORI Schulz
COMPUTUS
THEORICO-PRACTICUS,

facili ac succinctâ methodo
in COMPENDIUM redactus:

Quondam ab Authore in Gymnasio Vratislaviensium
Mar. Magdalenæo Auditoribus suis propositus:

nunc,

in gratiam Juventutis studiosæ,

luci publicæ expositus,

&

(Tabulis necessariis instructus.)

VRATISLAVIÆ,

Sumptibus Johannis Georgii Steck.

Impressum BREGÆ, apud Christianum Jacobi.

M. CHRISTOPHORI GRIFFITHS
COMPLUTUS
THEORICO-PRACTICUS

in GOSPELUM
Evangelium ad Hebraeos in Germanice & Castellana
lingua

in gratiam juvenum studio
lucis publice expolitus

Tabulae necessariae instructae

PRATISIAE

Joannis Baptistae GRIFFITHS

1725



COMPENDII COMPUTI

LIBER I.

DE COMPUTO THEORICO.

CAPUT I.

DE HORA.

1. **COMPUTUS** est *Scientia distingvendi Tempus.*
2. *Tempus* denotat vel
 1. *Durationem rei.*
 1. *absolutè spectatam.*
 2. *certâ mensurâ determinatam.*
 2. *Mensuram Durationis ipsam, à motu corporum coelestium potissimùm petitam. Et hæc acceptio hujus loci propria est.*
3. Dividitur *Computus* in *Theoricum & Practicum.*
4. *Computus Theoricus* expendit *partes* temporis tùm *Minores* tùm *Maiores.*
5. *Partes* *Temporis minores* sunt, quæ à motu communi seu primo *Coeli* oriuntur, & sunt *Hora, Dies & Septimana.*
6. *Hora* est pars diei aliquota, certo graduum æqvatoris numero definita. Ejus observetur *Divisio & Reductio.*
7. *Divisio* est, quâ *Hora* consideratur vel *Naturaliter & ratione Quantitatis,* vel *Civiliter, & ratione Terminis.*
8. *Naturaliter* *Hora* considerata dividitur in *æqualem & inæqualem.*

9. *Hora æqualis*, quæ & *æquidialis*, item *æquinoctialis* appellari solet, est tempus, quo naturalis dies, hoc est, Dies & Nox junctim sumta, in partes viginti quatuor æquales dispescitur: seu, quo quindecim Æqvatoris gradus motu primo supra Horizontem ascendunt, vel Meridianum transeunt.
10. *Horæ æqualis* notentur *Partes* tum *maiores* tum *minores*.
11. *Partes Horæ æqualis maiores* dicuntur *Quadrantes*, *Wirtel*, *Stunden*/ quorum singulis tres Æqvatoris gradus, cum quadraginta quinque minutis respondent.
12. *Partes Horæ æqualis minores* vocantur *Minuta*, & sunt vel *prima*, quorum sexaginta conficiunt unam Horam, vel *secunda*, quorum sexaginta constituunt unum minutum primum.
13. *Hora inæqualis*, quæ aliàs & *καιρικανή* sive temporalis, item *Planetaria* dicitur, est spatium temporis, quo dies vel nox artificialis, hoc est, Dies vel Nox disjunctim sumta, in partes duodecim æquales dividitur; seu, quo plures paucioresve, quàm quindecim æqvatoris gradus Horizontem conscendunt, vel Meridianum transeunt. Crescunt enim Horæ inæquales & decrescunt cum ipsis Diebus. Ut, si Dies sit longior nocte, horæ etiam diurnæ sunt longiores nocturnis, & contra. De his intelligendum est illud Christi *Joh. 10. Nonne duodecim horæ sunt diei.* Hujusmodi Horis inæqualibus olim usi sunt Judæi, & tota fermè antiquitas, ut & Historiæ & libri veterum Mathematicorum testantur. Unde *Casmannus Part. 2, Astrol. cap. 2.* monet: Quicquid de Horis legitur ante Annum Christi trecentesium in Historiis sacris & profanis, id omne de hujusmodi Horis inæqualibus intelligendum esse.
14. *Horæ inæquales* Veteribus, præsertim Judæis, erant vel *Simplices* vel *Compositæ*, & hæ iterum vel *Majores* vel *Minores*.
15. *Majores* erant *Quadrantes Diei* artificialis, è quibus primus dicebatur *Hora tertia*, secundus *sexta*, tertius *nona*, quartus *duodecima* seu *Vespera*, ita nempe, ut *Quadrans* quilibet nomen sortiretur ab horâ ultima simplici.
16. *Minores* singulæ continebant duas Horas simplices: quarum ratio, ut & cum nostris horis tempore Æquinoctii collatio, patet ex adjuncto Schemate.

Horæ composita maj.

Horæ simplices

Horæ comp. minor.

Horæ æquin. nostræ

3	6	9	12				
1. 2. 3.		4. 5. 6.		7. 8. 9.		10. 11. 12.	
1	2	3	4	5	6		
7. 8. 9. 10. 11. 12.						1. 2. 3. 4. 5. 6.	

His observatis, *Marcus* Evangelista conciliaripotest cum *Johanne*. Ille *cap. 15. v. 25.* Christum crucifixum esse scribit horâ tertiâ: hic horâ sextâ *cap. 19. v. 14.* Nimirum *Marcus* loquitur de Horis compositis minoribus, *Johannes* de Horis simplicibus. Vide tamen & *Harmoniam VValteri* hâc de re.

17. Civiliter & ratione *Termini* Horæ consideratae numerantur vel à Meridiano vel ab Horizonte.

18. A Meridie incipiunt numerare Horas suas *Astronomi* plerique; sed nonnulli, ut *Copernicus*, etiam à mediâ nocte.

19. A mediâ nocte inchoant suas horas numerare plerique; *Germani*, id quod etiam faciebant *Romani veteres*.

20. Ab Ortu numerarunt Horas suas *Babylonii*, & hodie *Norimbergenses*.

21. Ab Occasu numerant Horas suas *Itali* & *Judæi*.

22. Reductio Horarum est, quâ horæ nostrates usuales æquales convertuntur in alienas, easque vel inæquales vel æquales: & vicissim alienæ in nostrates.

23. Horæ nostræ æquales in inæquales convertuntur ita:

1. Cognita habeatur ex libro aliquo Sphærico vel Calendario Quantitas Diei artificialis propositi.

2. Quantitas hæc Diei dividatur per duodecim horas æquales, & Quotiens exhibebit quantitatem horæ unius inæqualis.

3. Habitâ Quantitate unius horæ inæqualis, facile reduci possunt Horæ æquales in inæquales & contra.

EXEMPLA.

Quantitas Diei 22. Augusti hic *Vratislaviæ* est Horarum quatuordecim ipsarum, quæ divisa per duodecim, exhibent quantitatem unius horæ inæqualis 1, Hor. 10. min. prim. sep 70. minutorum primorum, Jam

1. Si quærat^rur, quot Horis inæqualibus correspondeant septem Horæ æquales. Dico per Regulam De Tri.

H		Hor. inæqv.	H.
1.	10	1	7
60			60
70			420

420 | 6 Horæ inæqv.
70

2. Si quærat^rur contra, quot Horis æqualibus seu vulgaribus correspondeant Horæ quatuor inæquales, eodem Die 22. Aug. Dicatur iterum per Regulam De Tri.

Hor. inæq.	Hor. æqv.	Hor. inæqv.
	H	
1	1	10
	70	
	4	
	280	
		4
		280 4. Hor. 40. 60

24. Horæ nostræ usuales æquales reducuntur in æquales alias, easq; vel Astronomicas, vel Babylonicas vel Italicas.

25. In Astronomicas seu Horas à Meridie convertuntur ita;

1. Si dentur horæ nostræ post meridiem, non opus habent reductione, quia cum Astronomicis conveniunt.
2. Si dentur horæ ante meridiem, subtrahatur à Die propositâ unitas, & horis datis horæ duodecim addantur, & reductæ erunt in Astronomicas.

EXEMPLA.

1. Diei 22. Aug. Hora quinta post Meridiem civilis, est etiam Hora quinta Astronomica ejusdem Diei.

2. Diei ejusdem 22. Aug. Hora octava antemeridiana civilis est 20. Hora Diei 21. Aug. Astronomica.

Aug. Dies 22	Hor. 8 antemer.
subtr. 1	12 add.

Dies 21

Hor. 20 Astron.

Si

Si contra Horæ astronomicae sint convertendæ in nostrates, procede
ita.

1. Si numerus horarum Astronomicarum non excedat 12. erunt ipsæ horæ datæ etiam nostrates, sed pomeridianæ.
2. Si numerus horarum Astronomicarum fuerit major 12. tunc subtrahendæ sunt ab horis datis 12. horæ, & Dies præposita unitate augenda est.

EXEMPLA.

1. Hora Diei 22. Aug. septima Astronomica est etiam septima ejusdem Diei usualis, sed pomeridiana: quia 7. horæ sunt minus quàm 12.
2. Hora Diei 22. Aug. decima nona Astronomica est septima usualis Diei 23. Augusti antemeridiana: quia 12. subtracta à 19. relinqvunt 7. & pro Die 22. est ponendus 23.
26. In *Babylonicas*, seu horas ab Ortus, convertuntur horæ nostræ ita:
 1. Cognita habeatur è libro aliquo Sphærico vel Calendario, Hora Ortus Solis.
 2. Sit Hora data numerata à mediâ nocte, vel si pomeridiana, addantur 12.
 3. Subtrahatur hora Ortus, & habebitur hora ab ortu numerata. Quod si subtractio fieri neqvit, addantur Horis datis 24. Horæ, id est, integer Dies.

EXEMPLA.

1. Die 27. Aug. Sol oritur horâ 5. 9', quæritur quotæ horæ Babylonicae respondeat hora nostra octava mat. ? Subtrahe tempus ortus, 5. Hor. 9', ab horis 8. remanent horæ duæ 51', à Solis ortu numerandæ.

	H
Hora mat. data	8
Tempus ortus	5 9'
	H
Remanent	2 51'

2. Quærat, quotæ horæ Babylonicae eodem die 27. Aug. respondeat sexta nostra pomeridiana. Adde hic ad 6. horas 12. fiunt 18. à quibus Tempus ortus Hor. 5. 9'. subtractum, relinquit decimam tertiam horam Babylonicam quæsitam.

Hora

	H
Hora pom. data	6
Adde	12

Fiunt	18
Tempus ortus sub.	5 9'

Hora	12 51' Babyl. quæsitæ.
------	------------------------

Si contra horæ Babylonicæ in nostrates convertendæ sint; tunc fiat ita: Horæ Babylonicæ datæ adde Tempus ortus, & aggregatum exhibebit horam vulgarem correspondentem.

1. Antemeridianam, si illud aut 12. Horis minus, aut 24. horis, quæ abjiciendæ sunt, existat majus.
2. Pomeridianam, si 24. Horis minus, aut 12. Horis, quæ abjiciendæ sunt, existat majus.

EXEMPLA.

1. Quæritur, quæ Hora vulgaris Diei 27. Augusti respondeat Horæ Babylonicæ 2 51'? Adde Tempus ortus 5, Hor. 9' & Aggregatum exhibet horam 8. matutinam.

	H
Hora Babylonica data	2 51
Tempus Ortus	5 9

Aggregatum Hor. 8 matut.

2. Quæritur, quæ hora vulgaris ejusdem Diei, respondeat Horæ Babylonicæ 12. 51'. Adde Tempus ortus Hor. 5 9', & aggregatum fit 18. à quo abjice 12. remanet Hor. 6. pomeridiana.

	H
Hora Babylonica data	12 5
Tempus Ortus add.	5 9

Aggregatum	18
Subtrahere	12

Remanet Hora 6. pomer.

27. In *Italicas* seu *Horas ab Occasu* horæ nostræ convertuntur hâc ratione. Subtrahe *Horam Occasus*, quæ *Calendario aliquo cognoscenda*, ab *Horâ datâ nostrâ*

1. *Pomeridianâ*, quæ si minor fuerit, quàm ut subtractio inde fieri possit, addantur prius 24. horæ, sive integer dies.
2. *Antemeridianâ*, ita tamen, ut prius in *Pomeridianam*, per additionem 12. horarum convertatur; & relictum sistet *Horam Italicam*, sive *Horam ab Occasu quæsitam*.

EXEMPLA.

1. Quæritur, quæ *Hora Italica* 27. *Die Augusti* respondeat nostræ tertiæ *Pomeridianæ*? Sol hoc die occidit *Horâ* 6 51', quæ à 3. *Hor.* subtrahi nequit: adde ergò prius 24. horas, fiunt 27. *Horæ*: à quibus *Horæ Occasus* subductæ, relinqvunt *horam Italicam* 20 9'. quæsitam.

<i>Hora pom. data</i>	3
<i>Adde</i>	24
<i>Aggregatum</i>	27
<i>Tempus Occasus</i>	6 51' sub.

Hora Italica *Hor.* 20 9' quæsitæ.

2. Quæritur, quæ *Hora Italica* eodem 27. *Augusti* respondeat nostræ octavæ *antemeridianæ*? Adde hic, cum *hora antemeridiana* detur, 12. fiunt 20: à quibus *Tempus Occasus* subtractum, sistit *Horam Italicam* 13.

<i>Hora antemeridiana data</i>	8
<i>Adde</i>	12
<i>Fiunt</i>	20
<i>Tempus Occasus subtr.</i>	6 51'

Hora Italica quæsitæ 13 9'

Si contra *Horæ Italicæ* ad nostrates reducendæ sint, operare ita:
Ad *Horam Italicam Datam* adde *Tempus Occasus*, & si *Aggregatum* fuerit integro *Die*

1. Majus, subtrahe 24. horas, & residuum ostendet *Horam nostram pomeridianam*.

B

2. Minus,

2. Minus, & quidem horis 12.

1. Minus, erit illud ipsum hora nostra vulgaris pomeridiana.

2. Majus, subtrahe 12. horas, & residuum indicabit Horam nostram antemeridianam.

EXEMPLA.

1. Quæritur, quæ hora nostra vulgaris 27. Aug. respondeat Italica 20 9'? Adde Tempus Occasus 6. Hor. 51', fiunt 27: ab his abjice 24, remanet 3. hora nostra pomeridiana.

H

Hora Italica data 20 9'

Tempus Occasus 6 51 add.

Aggregatum 27

Abjice 24

Hora nostra 3 pomer. quæsitæ.

2. Quæritur, quæ Hora vulgaris ejusdem diei 27. Aug. respondeat Horæ Italicae 13 9'? Adde Tempus Occasus, fiunt 20. Horæ: à quibus subtrahe 12. relinquitur hora octava antemeridiana nostra.

Hora Italica data 13 9

Tempus occasus 6 51 add.

Aggregatum 20

Subtrahe 12

Relinquitur Hora 8 antemer. nostræ.

CAPUT II.

DE DIE.

28. Fuit *Hora*: *Dies* est Tempus, certo horarum numero definitum, atq; ad conversionem Primi Mobilis, & Motum Solis æstimatum.

29. Est q; *Dies* alius *Naturalis*, alius *Artificialis*.

30. *Dies*

30. *Dies Artificialis* est intervallum temporis, quo Sol super Horizonte commoratur, sic dictus, quod accommodatus est ad exercendas artes, sive liberales sive mechanicas: & hujus privatio est Nox, quæ est Tempus, quo infra Horizontem Sol movetur.
31. *Dies Artificialis* est vel *æqualis* vel *inequalis*.
32. *Dies artificialis æqualis* est horarum 12. qualis in universâ terrâ est tempore æquinoctiorum.
33. *Dies artificialis inequalis* est vel *plurium*, vel *pauciorum* quàm duodecim horarum.
34. *Dies artificialis plurium* quàm duodecim horarum, sunt illi, qui Æquinoctio Verno & Autumnali interjecti sunt: inter hos ille est longissimus, quem Sol in puncto Solstitiali æstivo existens, suo motu efficit.
35. *Dies artificialis pauciorum* quàm duodecim horarum sunt illi, qui ab Æquinoctio Autumnali ad Æquinoctium vernum numerantur; inter hos ille est brevissimus, qui à Sole in puncto Solstitiali hyberno, seu principio Capricorni existente, efformatur.
36. *Dies Naturalis* est spatium temporis, quo Sol motu primo circum-actus, totum orbem semel suâ luce collustrat, & continet horas 24. & Diem pariter atq; noctem comprehendit. Dicitur Naturalis, quod Natura consociaverit hæc tempora, ut vespera & mane sit unus Dies, ut Scriptura loquitur.

*Accuratissime loquendo, Dies naturalis quatuor circiter Horæ minutis major viginti quatuor horis est, propterea quod, dum communi motu integer Æquator contra seriem signorum revolvi-
tur, Sol interea motu proprio proreptet secundum signorum
seriem uno quasi gradu, adeo ut, cum pridianus Eclipticæ
gradus ad Meridianum revolutus est, Sol adhuc integro circi-
ter gradu à Meridiano distet, qui dum advolvitur Meridiano,
abeunt quasi quatuor horæ minuta. Et hæc particula Æqua-
toris, huic temporis particula respondens, appellatur ab Astro-
nomis additamentum Solis.*

37. *Diei Naturalis* observentur *Partes & Distinctio*.
38. *Partes Diei Naturalis* erant olim Romanis vel *Diurnæ* vel *Nocturnæ*.
39. *Partes Diurnæ* potissimum erant
1. *Diluculum*, sive *Crepusculum matutinum*, quod est tempus ante lucem, cum Dies incipit dignosci, wenn es beginnet zu tagen.

2. *Mane*, sive *Aurora*, weil die Morgen-Röthe währet.
 3. *Ad Meridiem*, quod est tempus inter mane & meridiem.
 4. *Meridies*, quod est medium Diei artificialis, wenn die Sonne durch den Meridianum gehet.
 5. *De Meridie*, quod est tempus inter meridiem & supremam Diem.
 6. *Suprema Dies* sive *Vespera*, quod est tempus ultimum Diei, quo Sol occidit.
40. *Partes nocturnæ* erant,
1. *Crepusculum vespertinum*, sive prima fax, quia tunc faces sive lumina accenduntur.
 2. *Concubium*, quod est tempus, quo exantlatis laboribus, cubitum imus, & curas diurnas, ut ille dicebat, indusio involvimus, manè eas resumturi.
 3. *Nox intempesta*, quia nulli operi id temporis accommodatum est, & est tempus ad mediam noctem.
 4. *Media Nox*, quæ opponitur Meridiei.
 5. *Gallicinium*, quo Galli, quos Cicero Lib. 2. de Divin. vocat vigiles nocturnos, primùm canunt.
 6. *Conticinium*, quod est tempus Auroræ proximum, quo omnia conticescunt, & gratior est quies.
41. *Distinctio Diei Naturalis* est, quâ alius dicitur *Astronomicus*, alius *Politicus* seu *Civilis*.
42. *Dies Astronomicus* est intervallum temporis à Meridie in Meridiem, vel à mediâ nocte in mediam noctem.
- Astronomi Diem à Meridiano potius, quàm ab Horizonte auspicantur propterea, quod Meridianus ubiq; locorum se habet ut Horizon rectus: Horizon autem in quâlibet Sphæræ obliquitate variatur. Quin etiam ubi Poli elevatio excedit 66½. gradus, impossibile est auspicari Diem ab Horizonte, cum ibi Sol interdum multis Diebus Horizontem non attingat.*
43. *Dies Politicus*, qui & *Civilis* dicitur & *usualis*, est spatium $\nu\upsilon\chi\theta\eta\mu\epsilon\rho\upsilon\nu$, ab aliquâ circuli utriusvis immobilis medietate, diversis Populis diversâ, numeratum: differens ab Astronomico partim Quantitatis ἀνρίθεια, partim termino.
44. *Diei Politici* considerentur *Termini* & *Species*.
45. *Termini*, à quibus diei Politici seu Civilis fit initium, qui aliàs cardines seu κέντρα Diei dicuntur, sunt quatuor, *Ortus* & *Occasus*, *Meridies* & *Media Nox*.

46. Ab *Ortu Solis* auspicabantur olim *Dies* suos *Chaldaei* & *Babylonii*.
 47. Ab *Occasu Solis* exordiebantur diem *Athenienses* & *Judaei*, & hodie *Itali*.
 48. A *Meridie* inchoabant Diem *Vmbri*, populus in *Italia*.
 49. A *mediâ Nocte Romani* incipiebant, quos adhuc pleriq; *Europæi* sequuntur.
 50. De Terminorum horum apud diversos populos varietate hi notentur versiculi:

Atticus Occasum spectat: Babylonius Ortum:

Nox media Ausoniis: Media at Lux perplacet Vmbriis.
Vel,

Græci mane Diem capiebant Solis ab Ortum:

Vespere Judæi; dum Phœbus culminat, Vmbri;

Christicolæ incipiunt mediæ sub tempore noctis.

Græcis, notante *VVeiglio* in *Spec. Temp.* p. 8. annumerari possunt *Babylonii*, & pleriq; *Populi Orientales*. & adhuc hodiè Diem ab *Ortu Solis* ordiuntur *Incolæ Insularum Balearid.* & *Norimbergenses*. *Judæis* adjungendi veniunt *veteres Athenienses*; & hanc ita pridem *Bohemi*, *Poloni*, *Silesii*, *Austriaci*, & jam nunc *Sinenses* atq; imprimis *Itali*. *Vmbri* veteribus in *Italiâ*, *veteres Arabes*, & maxima pars *Astronomorum* annumerari potest. *Christianis* demum, *Ægyptii*, *veteres Romani*, ut jam supra notavimus, & pauci aliqui *Astronomi*, ut *Copernicus*, &c.

51. *Species Diei Politici* sunt variae, è quibus præcipuæ sunt hæ: quod alius sit *Festus*, alius *Profestus*.
 52. *Dies Festus* est vel *Veteris* vel *Novi Testamenti*.
 53. *Festa Veteris Testamenti* sunt, quæ apud *Judæos* in usu fuerunt, & fuerunt vel *Divinitus* vel *Humanitus* instituta.
 54. *Festa Judæorum divinitus instituta* fuerunt decem, è quibus quatuor fuerunt *Principalia*, reliqua sex minus *principalia*.
 55. *Principalia* fuerunt:
 1. *Sabbatum hebdomadarium*, sive *Dies septima* cujusq; hebdomadæ, quâ *Jehova* post opus creationis, sex diebus completum, quievit, quaq; *Populo* penitus interdictum erat quovis labore, servili & externo. *Exod. 16. v. 12.*
 2. *Pascha*, quod per septem continuos dies celebrabatur in memoriam mirandæ liberationis è durâ servitute *Ægyptiacâ*. *Exod. 12, Lev. 23.*
 3. *Pente-*

3. *Pentecoste*, quod post septimam hebdomadam à Paschate celebratum fuit, ut legitur *Exod. 34. v. 22.*

4. *Festum Tabernaculorum*, quo per septem dies degebatur extra domos in Tabernaculis, in memoriam peregrinationis in deserto. *Deut. 16.* Et hæc tria posteriora Festa fuerunt anniversaria, ad quæ tota Judæorum Natio ad Urbem sanctam confluere debuit ex ordinatione DEI. *Exod. 23.*

§6. *Minus principalia* fuerunt,

1. *Sabbatum Septenne* seu *Sabbatum Terræ*, quo Terra inculta relinqvebatur, & inde prognata Pauperibus cedebant. *Exod. 23.*

2. *Sabbatum septem sabbatorum septennium*, sive *Annus Jubilæus*, qui erat Annus quisq; à primo post Sabbaticum Annum Jubilæum numeratus, quadragesimus nonus. Eo anno non solum omnia debita relaxabantur, atq; adeò venditi Agri, Vineæ, aliæq; possessiones ad suos priores possessores redibant; verum etiam Servi Israelitæ à suis Dominis liberi demittebantur. *Levit. 25.*

3. *Neomenia* sive *Novilunium*, qui est primus ejusq; Mensis Dies, quem à novâ Lunâ auspicabantur, in quo, ut præcipitur *Numeror. 28. v. 11. & seqq.* sacrificia celebrabant & convivia agitabant.

4. *Festum Tubarum*, sive *Buccinarum*, seu *Clangoris*, quo Tubis clangebant in gratiarum actionem pro Hostibus divino auxilio debellatis. *Levit. 23. v. 24.*

5. *Festum Expiationis*, seu *Propitiationis*, quo annuâ solennitate sacrificium propitiatorium universale pro omnibus totius populi Peccatis celebrabatur. *Levit. 16.*

6. *Festum Retentionis* seu *Collectionis*, sic dictum, sive quia colligebantur vectigalia & census in Ministerii sacri & pauperum usum, sive, quia Populus adunatus in Templum ibat, & DEO gratias agebat, antequam in Domos suas redirent: eratq; quasi Appendix Festi Tabernaculorum. *Levit. 23. v. 34. seqq.*

§7. *Festa Judæorum humanitus instituta* fuerunt *quatuor jejunia*, & *Duæ sollemnitates.*

§8. *Jejunia* fuerunt hæc:

1. Obsessionis Hierosolymitanæ.

2. Occupationis Hierosolymitanæ.

3. Deso-

3. Desolatæ Urbis,

4. Jejunium Gedaliæ 4. Reg. 23. v. 23. per insidiam ab Ismaele quodam è Semine Regio nato, interfecti,

His quatuor Jejuniis postea acceſſerunt *Jejunium ſolemne Eſtheræ*,
Eſther 4. v. 16. *Jejunium fractarum* Tabularum legis.

ſ9. Solennitates verò fuerunt:

1. *Festum Encæniorum* ſive Dedicationis, conſecrationis & Renovationis Templi à Judâ Maccabæo inſtitutum, 1. Macc. 1. v. 57.

2. *Festum Expiationis arcis* Hieroſolymitanæ, inſtitutum per Simonem Aſmoneum, 1. Macc. 13. v. 51. ut Judæis in mentem revocaret, Arcis Hieroſolymitanæ ab Antiochi Præſidio liberationem & repurgationem.

Hiſce annumerantur *Dies Purim* ſive ſortium, Lib. Eſther 9. v. 21.
& *Festum ἑυλοφορίας* ſeu comportationis Lignorum, cujus meminit Joſephus Lib. 2. de Bell. Jud. c. 17.

60. *Festa Novi Teſtamenti* ſive *Festa Chriſtianorum* dividuntur vel *ratione Cauſæ* vel *ratione Temporis*.

61. *Festa Chriſtianorum ratione cauſæ* ſunt vel *Apoſtolica*, ut *Dies Dominica*, de cujus Autore, Inſtitutione & fine vide Brochmanni *Systema Theol.* Tomi II. Cap. 9. ſect. 5. vel ſunt *Eccleſiaſtica*, ut *Festum Nativitatis*, *Circumciſionis*, *Purificationis* & ſimilia.

62. *Festa Chriſtianorum ratione temporis* ſunt vel *Fixa* vel *Mobilia*.

63. *Festa fixa* ſeu *immobilia* ſunt, quæ certos Menſium Dies tenent, celebranturq; quædam hic apud nos in

Januario.

1. *Festum Circumciſionis Chriſti*

1. Jan.

2. *Epiphaniarum* ſeu trium Regum

6. Jan.

3. *Conversionis Pauli*

25. Jan.

Februario.

4. *Purificationis Mariæ*

2. Febr.

5. *Matthiæ Apoſtoli*

24. Febr.

Idq; tantum in Anno vulgari, ſed in Biſextili 25. Februarii celebratur:
quia in Biſextili Dies 24. Februarii eſt Dies intercalaris & tantum

*tum accessorius : qui licet etiam Matthiæ nomen sortiatur ,
tamen Festum non variat , juxta versiculum :*

Matth. Matth. dicatur , sed Festum non variatur.

Martio.

6. Annunciationis Mariæ

25. Martii.

*& si incurrat in Septimanam Passionis , aut in Ferias Paschales , cele-
brari consuevit ipsâ Die Palmarum.*

Aprili.

*In Aprili nullum occurrit , quod apud Nos in nostris Ecclesiis cele-
brari soleat.*

Majo.

7. Philippi & Jacobi Apostolorum

1. Maji.

Junio.

8. Johannis Baptistæ

24. Junii.

9. Petri & Pauli Apostolorum

29. Junii.

Julio.

10. Visitationis Mariæ

2. Julii.

11. Mariæ Magdalenæ

22. Julii.

12. Jacobi majoris

25. Julii.

Augusto.

13. Bartholomæi Apostoli

24. Aug.

14. Decollationis Johannis

29. Aug.

Septembri.

15. Matthæi Apostoli

21. Sept.

16. Michaelis Archangeli

29. Sept.

Octobri.

17. Simonis & Judæ Apostolorum

28. Octob.

No-

NOVEMBRI.

18. Andreæ Apostoli

30. Nov.

DECEMBRI.

19. Thomæ Apostoli

21. Dec.

20. Nativitatis Christi

25. Dec.

21. Stephani Protomartyris

26. Dec.

22. Johannis Evangelistæ

27. Dec.

64. *Festa mobilia* sunt, quæ in aliis annis in alios Mensium Julianorum Dies incidunt, etiamsi Hebdomadis Diem constanter retineant: ut sunt omnes Dies *Dominicæ*, & *Pascha*, quod Radix est & fundamentum, à quo reliqua Festa mobilia omnia ante retrove numerantur, de quibus infra agetur.

65. *Dies Profestus* est, quo Vitæ humanæ utiles ac necessarias artes exercere licet, Germanis etn *Werckel-Tag*/ ceu sunt reliqui per Annum omnes, nisi interdum Magistratus Christianus, ob causam evidentem, Diem aliquem aliàs profestum solenniter celebrandum subdditis suis mandet.

CAPUT III.

DE SEPTIMANA.

66. *Hactenus de Die*: sequitur de *Septimana*, quæ Græcis *ἑβδομάς* dicitur, & nihil est aliud, quàm spatium Temporis, Periodum septem Dierum complectens.

67. *Ejus notentur Initia & Nomenclatura.*

68. *Initia Septimanæ* apud diversos Populos sunt diversa. Judæis Dies sequens Sabbatum est primus. Nobis Christianis est Dies Dominicus. Turcis Dies Veneris.

69. *Nomenclatura Dierum Septimanæ* etiam variat. Judæi appellarunt eas, Sabbatorum primam, secundam, tertiam, quartam, quintam, sextam, (quæ & Dies parasceves dicta fuit, & Sabbatum propriè dictum, qui erat ultimus Septimanæ Dies.

70. Christiani Diem Dominicum vocant Feriam primam, & sequentes ordine feriam secundam, tertiam, quartam, quintam, sextam, septimam: idq. efficit, Hieronymo teste, Festum paschæ, quod per totam septimanam olim solenne habebatur, quod cum incipiat à Die Solis, is Dies feria prima appellatus est, Dies Lunæ feria secunda, & sic deinceps.

71. Astrologi à Planetis Dies Septimanæ denominant, eorundemq. notis insigniunt, quæ sunt ☉, ☽, ♂, ♀, ♄, ♀, ♃. In quorum serie observatur Harmonia, quæ dicitur *Ἀρμονία τεσσάρων*: ut si scribas ordine septem Planetas, & v. g. initium facias à Sole, indeq. numeres 24. quot sunt horæ diei naturalis, pervenies in hac serie ad Lunam, quæ distat à Sole *Ἀρμονία τεσσάρων*: A ☽ pervenies ad ♂, quæ à Lunâ distat intervallo quaternarii. Vide Subiectum Laterculum, ut & Schema sequens.

☉	♀	♂	☽	♃	♄	♂
1.	2.	3.	4.	5.	6.	7.
8.	9.	10.	11.	12.	13.	14.
15.	16.	17.	18.	19.	20.	21.
22.	23.	24.	1.	2. &c.		



CAPUT IV.

DE MENSE.

72. Fuerunt sic *partes temporis minores*, quæ à motu Cœli primo oriuntur; sequuntur nunc *maiores*, quæ dependent à motu secundo, & sunt *Mensis & Annus*.
73. *Mensis* est spatium temporis plus minus quatuor septimanarum: estq; vel *Naturalis* vel *Politicus*.
74. *Mensis Naturalis*, qui & *Astronomicus* dicitur, est vel *Solaris* vel *Lunaris*.
75. *Mensis Solaris* est spatium Temporis, quo Sol signum aliquod Zodiaci percurrit. Estq; vel *Æqualis* vel *Inæqualis*.
76. *Mensis Solaris æqualis* seu medius est, qui quoad Quantitatem sibi semper est similis, & constat Diebus triginta, horis decem, & minutis triginta. Nam si quantitas Anni Juliani 365. D. & 6. Hor. dividitur per 12. prodeunt 30. D. 10. H. 30. Min.
77. *Mensis Solaris inæqualis* seu verus est, cui certum & determinatum tempus assignari non potest, propter Solis inæqvalem motum, qui in Signis Australibus ♈, ♎, ♊, ♋, ♍, ♏ est velocior; in septentrionalibus ♉, ♈, ♊, ♌, ♍, ♏ est tardior.
78. *Mensis Lunaris* est spatium temporis, quod à motu Lunæ proprio determinatur. Estq; triplex, *Periodicus*, *Synodicus* & *Illuminationis*.
79. *Mensis Lunaris Periodicus*, qui & *Conversionis*, *Peregrinationis* & *Peragratiōis* dicitur, est spatium temporis, quo Luna redit ad idem Zodiaci punctum; continet Dies 27. Horas 8. ferè.
80. *Mensis Lunaris Synodicus*, qui aliàs & *Consecutionis*, & *Conjunctionis* appellatur, est spatium temporis, quo Luna à Conjunctione Solis digressa, redit ad Conjunctionem ejusdem. Ut si facta esset Conjunctio in Ariete, Luna rediens ad Arietem, ibi non invenit Solem, qui interea progressus est, progreditur ergo Luna ulterius; donec eum assequitur. Constat Diebus 29. Horis 12. & minutis 44. ferè. Et dum ejusmodi *Mensis Lunaris* absolvitur, Luna quinq; Phases assumit, ut sunt: 1. *Novilunium*, 2. *Luna Falcata*, 3. *Dimidia*, 4. *Gibbosa*, & 5. *Plena*.
81. *Mensis Lunaris Illuminationis* seu apparitionis, est spatium temporis, à primo conspectu Lunæ novæ usq; ad primum seu novum conspectum

spectum alterius Lunæ. Et hoc tempus vulgò existimant complecti 28. Dies: sed æquale perpetuò non est. Luna enim interdum mox primo conjunctionis Die, interdum secundo, interdum tertio, interdum quarto demum die conspicitur.

82. *Causa* hujus *inæqualis* apparitionis est triplex. Prima est *Obliquitas Zodiaci*, quæ efficit, ut signa quædam, adeoq; & Luna in illis commorans, rectè & tardius, quædam obliquè & velocius oriantur. Secunda est *Latitudo Lunæ*. Tertia *Inæqualitas motus Lunæ*. Si enim Luna 1. in Medietate ascendente, hoc est, in signis Ascensionum brevium, ♈ ♎ ♊ ♋ ♌ ♍ fuerit, 2. Latitudinem habuerit Septentrionalem, 3. velox motu extiterit, adeoq; tres velocitatis causæ concurrerint, mox eodem Die vetus & nova Luna apparet, sin duæ dictarum Causarum concurrerint, secundo post conjunctionem die conspicitur; sin una tantum causa, tertio Die. Contrarium si fiat, die quarto à conjunctione demum in conspectum prodit.

83. *Mensis Politicus* seu *Civilis*, est certus dierum numerus, quo unaquæq; Gens, duodenam ferè Anni partem, suo quodam instituto observat. Estq; vel *Nominatus* vel *Innominatus*.

84. *Nominatus Mensis* est, qui certo, pro cujusq; Gentis Lingvâ, insignitur Nomine. Ejus considerata sunt, *Appellatio*, *Ordo* & *Partitio*.

85. *Appellationem* quod attinet, *Romanis* primus Mensis dicitur JANUARIUS, à Jano, antiquo Latinorum Rege, quem bifrontem pingunt, eò quod hic Mensis præcedentis Anni finem & sequentis initium respiciat. Ebræis dictus fuit שֶׁבַט *Schebhat*, a שֶׁבַט *Virga Sceptrum*, Græcis γαμηλιών à Nuptiis, quæ hoc tempore commodè instituuntur. Germani, ex Latino vocant eum den Jenner. Dies habet 31.

86. *Secundus Mensis* dicitur FEBRUARIUS, à Februis, id est, expiationibus, quod tùm Februa, hoc est, sacrificia pro mortuis fiebant. Februum enim expiationem significat, ut scribit *Plutarchus*, & *Ovidius* 2. *Fastorum* inquit:

Februa Romani dixerè piacula Patres.

Ebræis dictus fuit אָדָר *Adar*, Græcis ἐλαφιβολιών, quod hoc mense cervi cornua abjicere soleant. Unde & Germanis vocatur der

der Hornung/ nonnullis der Feb. Monat / Vitium Mensis, quod Vites hoc mense putentur. Dies in Anno communi habet 28. at in Anno Bisextili 29.

87. *Tertius* Mensis vocatur MARTIUS, & veteribus Romanis ante Julium Cæsarem primus fuit Anni Lunaris. Accepit nomen suum à Marte, qui Romuli, Urbis Romæ conditoris, Parens fuisse credebatur. Ebræis dicitur מָרְכָּשׁ *Nisan*, vel *Abib*. Græcis Μάρτιων à Munichiiis Dianæ Feriis, quæ hoc Mense celebrabantur. Germanis dicitur der März; Dies habet 31.

88. *Quartus* Mensis est APRILIS, ab aperiendo dictus, quia hoc mense terræ pori aperiuntur, & omnis generis germina eliciuntur. Vel, ut nonnulli volunt, ἀπὸ τῆς ἀφροδίτης, à Venere, quæ è spuma Maris nata fingitur, quod Romulus primum mensem à patre suo, Marte, secundum à Venere, Matre Æneæ, nominandum putarit. Ebræis appellatur אֶיָר *Ijar*, Græcis ἀπριλιων, à Dianæ & Apollinis sacris, quæ hoc mense fiebant, & ἀπριλία seu ἀπριλία dicebantur. Germanis dicitur etiam der April/ item der Oster-Monat/ quod Pascha plerumq; hunc in Mensem incidere soleat. Dies habet 30.

89. *Quintus* Mensis appellatur MAJUS, à Majoribus seu Senioribus, qui Rempublicam consilio tuebantur, quibus maximum à Diis honorem tribuendum Romulus censuerit, id quod *Ovidius in Fastis* comprobat, canens:

Hinc sua Majores tribuere vocabula Majo.

Alii tamen volunt, Majum dici à Majâ, Matre Mercurii, cui Mensis hic sacer fuerit. Hoc Mense Romani non contrahebant Matrimonia, quod testatur *Ovidius*, cum inquit:

Mense malum Majo nubere vulgus ait.

Rationem reddit *Plutarchus* in Problematis Romanis Probl. 29. & 84. qui videatur. Ebræis dicitur סִיבָּן *Sivan*, Græcis σκυροφωριων, quasi tumorem & duritiem ferens rebus nascentibus. Germanis der May/ Carolo Magno der Wonne-Monat. Nam, omnia tunc florent, tunc formosissimus Annus. Dies habet 31.

90. *Sextus* Mensis dicitur JUNIUS. à Junioribus, qui Rempublicam Armis tuebantur, quibus proximum à Majoribus deberi honorem Romani censuerunt. Hinc *Ovidius in Fastis*:

Junius à juvenum nomine dictus adest.

vel à Junone, quasi Junonius, vel à Junio Bruto, qui primus Romæ Consul fuit. Ebræis vocatur **טָמֻז** *Tamuz*, Græcis **ἑκατομβαιών**, ab Hecatombis, hoc est sacrificiis centenariis, quibus centum boves, vel similes majores bestię mactabantur. Germanis **der Brach-Monat**/ ab Aratione seu scissione Agrorum, item **der Weide-Monat**/ à pascuis, quæ præbet pecudi. Dies habet 30.

91. *Septimus* Mensis dicitur **JULIUS**. Hic tempore Romuli dicebatur *Quintilis*, qui in anni ordinatione à Romulo factâ, quintum locum tenebat: sed postea, in honorem Julii Cæsaris, Julius est appellatus, quod ad quartum Idus istius Mensis Julius esset natus. Ebræis vocatur **אב** *Ab*, Græcis **μεταγειτνιών** à Metageitniis Apollinis sacris, Germanis **der Heu-Monat**. Dies habet 31.

92. *Octavus* Mensis dicitur **AUGUSTUS**, antea *Sextilis* dictus, quod sextus esset à Martio. postea in honorem Augusti Cæsaris Augustus appellatus est, tum quod in isto Mense primum Consulatum iniisset, tum quod tres triumphos in eundem intulisset, tum quod hoc Mense Ægyptus in Populi Romani potestatem ab eo redacta esset. Ebræis vocatur **אֶלּוּל** *Elul*, Græcis **βοηδρομιών** à Boedromiis sacris, in honorem Jovis Auxiliatoris institutis. Germanis **der August-Monat**/Carolo Magno dictus fuit **Aehren-Monat**/Spicarum. Dies habet 31.

93. *Nonus* Mensis appellatur **SEPTEMBER**, quod à Martio sit quasi septimus Imber. Ebræis dictus est **תִּשְׁרִי** *Tisri*, Græcis **Μαυμακλήσιον** à Maimacta, id est, turbido aere. Germanis **der Herbst-Monat**/der **Gerst-Monat**/Carolo Magno **der Wid-Monat**/quod hoc Mense Cervos pingves & satientes venentur. Dies habet 30.

94. *Decimus* Mensis est **OCTOBER**, quasi octavus à Martio Imber. Ebræis **מַרְחֶשְׁוָן** *Marchesvan* vel *Bul*. Græcis **πυανεψιών**, quod in eo Pyanepsia sacra Apollini fiebant, coctis leguminibus; quæ **πύανα** appellantur. Germanis **der Wein-Monat**/à vindemiâ, Carolo Magno **der Winde-Monat**/à ventis. Dies habet 31.

95. *Vndecimus* Mensis est **NOVEMBER**, quasi nonus à Martio Imber. Ebræis **כֶּסֶל** *Caslen*, Græcis **αἰθεςθαιών** à Festo Bachi, quo mutuis conviviiis se excipiebant. **Αἰθεςθαῖον** enim est vicissim convivio exci-

excipere. Germanis der Winter-Monat/nonnullis der Schlach-
te-Monat/à maſtatione pecorum. Carolo Magno der Herbf-
Monat/qvo nomine hodiè September inſignitur. Dies habet 30.

96. Duodecimus & ultimus Menſis eſt DECEMBER, quaſi decimus à
Martio Imber. Ebræis יְבֵת Tebeth, Græcis ποσειδών, quaſi
Neptunius, à Neptuni & Minervæ certamine ſuper nomine Urbis.
Germanis der Chriſt-Monat/Carolo Magno der heilige Monat/
qvod Chriſti natalitia hoc menſe celebrari ſoleat. Dies habet 31.

97. De Numero Dierum cujuſq; Menſis ſequentes nota verſiculos;

Ter denos September habet, totidemq; November,

Junius, Aprilis: reliquis ſuperadditur unus,

Anno in communi videnos Februus octo

Continet, hunc uno in Biſſexto ſemper adauge.

Vel:

April ter denos, Jun. Septemb. atq; November,

Vno plus reliqui: viginti Februus octo,

At ſi biſſextus fuerit, ſuperadditur unus.

98. Ordo iſtorum Menſium apud

1. Romanos is fuit, qvem jam recenſuimus, & Nos Germani ob-
ſervamus.

2. Ebræis autem duplex ordo fuit; Annum enim ſuum politicum
inceperunt à Menſe *Tifri*, ex primorum Patriarcharum con-
ſuetudine. Sed Eccleſiaſticum à menſe *Niſan* ex inſtituto
Moſis, à quibus reliquos ordine numerarunt. *Niſan* autem
initium ſuum ſumebat ab Æquinoctio Vernali, qvod olim
ſex tantum diebus abfuit à fine Martii, & hinc fit, qvod mul-
ti Scriptores Eccleſiaſtici Menſem *Niſan* ad Aprilem potius,
quàm ad Martium referunt, *Ijar* ad Majum; & ſic deinceps.
Præter Menſes autem communes habuerunt Ebræi etiam Men-
ſem intercalarem, *Ve-Adar*, quaſi iteratum *Adar* dictum,
qvem intercalarunt in fine Anni Eccleſiaſtici ante menſem
Niſan & tunc Annus factus eſt 384. Dierum, qui alià tantum
fuit 354.

3. Græci autem ſive Attici, ſeu Athenienſes, incipiebant Annum
ſuum à Solſtitio æſtivo, hoc eſt, in Menſe Junio, eratq; adeò
iſtorum Menſis primus ἑκατομβραῖον, ſecundus μεταγεττιῖον,
& ſic

& sic deinceps: quanquam Plutarchus tradat, nihil convenire inter Græcorum & Romanorum Novilunia.

99. *Partitionem* deniq; quod concernit, habet ea potissimum locum in Mensibus Romanorum & Græcorum.

100. *Romani* dividebant Menses suos in *Kalendas*, *Nonas* & *Eidus*.

101. *Kalendæ* prima cujusq; Mensis dies dicebatur, à καλεῖν, quod vocare significat, quia primo quoq; Mensis die Populus à Pontifice colebatur, id est, vocabatur per Præconem, accepturus causas Feriarum, qui præter cætera etiam, quot Dies à Kalendis ad Nonas usq; superessent, & quid eo Mense faciendum esset, quod ad Religionem spectaret, indicebat.

102. *Nonæ*, quæ sic dicebantur, quod à Nonis ad Eidus 9. Dies supputarentur: vel etiam à Nundinis, quarum aliæ Diei quartæ, aliæ sextæ erant affixæ.

103. *Idus* vel *Eidus*, ab iduando, quod lingua Hetruscâ dividere significat, quod Idus Mensem bifariam dividant: unde & Idus μεσομήνων appellantur: vel à Græco εἶδος, species, quod Luna tunc speciosa & formosa conspiciatur. Reliqui Dies numerantur ordine eo, quo Kalendas sequentis Mensis antecedunt. Hujus loci sunt sequentes Versus:

Prima Dies Mensis cujusq; est dicta *Kalendæ*:

Sex *Nonas* Majus, October, Julius & Mars,

Quatuor at reliqui. Tenet *Idus* quilibet octo.

Inde Dies reliquos omnes dic esse *Kalendas*,

Quos retrò numerans dices à Mense sequente.

104. *Exempli gratiâ*: Mensis Novembris Dies primus dicitur *Kalendæ*: Secundus dicitur quartus seu ultimus *Nonas* (*subintellige* hîc *Præpositionem* Ante, quæ per Ellipsin est omissa,) vel *Nonarum* Novembris. Post *Nonas* sequitur octavus *Idus* vel *Iduum* Novembris, deinde septimus, sextus, quintus. Idibus elapsis, qui sequuntur Dies, denominantur à Kalendis sequentis Mensis Decembris, uti ex subjecto Exemplo videre est.

NOVEMBER habet Dies 30.

1. *Calendæ.*
2. *quartus*
3. *tertius*
4. *secundus*
5. *Nonæ.*
6. *Octavus*
7. *Septimus*
8. *Sextus*
9. *Quintus*
10. *Quartus*
11. *Tertius*
12. *Secundus*
13. *Idus Novembris.*
14. *Ultimus*
15. *Decimus septimus*
16. *Decimus sextus*
17. *Decimus quintus*
18. *Decimus quartus*
19. *Decimus tertius*
20. *Duodecimus*
21. *Undecimus*
22. *Decimus*
23. *Nonus*
24. *Octavus*
25. *Septimus*
26. *Sextus*
27. *Quintus*
28. *Quartus*
29. *Tertius*
30. *Secundus*

Nonas Novemb.

Idus Novemb.

Kalendas Decembris.

105. Græci, imprimis Athenienses, suos Menses Politicos, qui omnes erant *τριακονθήμεροι*, in tres Decades discescebant.

106. Prima Decas dicebatur *ἰσταμένη μηνός*, instantis vel imminentis Mensis. In hac Decade primus Dies vocabatur *ἡγεμένη*, Novilunium: secundus *ἡ δευτέρα ἰσταμένη*: tertius *ἡ τρίτη ἰσταμένη*, & sic

& sic deinceps, usq; ad diem decimum, qui dicebatur ἡ δεκάτη ἰσαμένῃ.

107. Altera Decas vocabatur μεσῆντ' μηνός, Medii Mensis, vel ὅπ'ι δέκα, hoc est, ejus partis, quæ est supra decimum diem. Itaq; Dies primus hujus Decadis, seu Undecimus Mensis vocabatur ἡ πρώτη μεσῆντ', vel ἡ πρώτη ὅπ'ι δέκα: sequentes verò ἡ δευτέρα, ἡ τρίτη, &c. μεσῆντ' μηνός, vel ὅπ'ι δέκα, usq; ad diem vicesimum.

108. Tertia deniq; Decas appellabatur Φθίνοντ' λήγοντ' vel ἀπίοντ' μηνός, deficientis, desinentis & exeuntis Mensis: item ὅπ'ι εἰκάδι, supra vigesimum diem. In hac tertiâ Decade duplici modo Dies numerabantur. Vel enim æqvè ac in præcedentibus duabus Decadibus, dies vicesimus dicebatur ἡ πρώτη Φθίνοντ' μηνός: sequentes ἡ δευτέρα, ἡ τρίτη, &c. Φθίνοντ' vel ὅπ'ι εἰκάδι. Vel inverso numerorum ordine vigesimus primus dies dicebatur, ἡ δεκάτη τ' Φθίνοντ', vigesimus secundus, ἡ ἐννάτη τ' Φθίνοντ', vigesimus tertius ἡ ὀγδοή τ' Φθίνοντ', & sic usq; ad ultimum seu trigesimum, qui dicebatur ἐνὶ καὶ νέα vetus & nova, eò quod esset quasi finis veteris Mensis & initium Novi.

109. Mensis Politicus Innominatus aliàs dici consuevit Embolimus, quasi insertus, intercalaris, der Einfömling. Nam differunt Nomina hæc Embolimus, Embolimaus & Embolismus. Embolimus est Mensis ipse, qui intercalatur: Embolimaus denotat Annum, quo Embolimus intercalatur: Embolismus verò significat ipsam intercalandi actionem.

110. Mensis hujus Politici innominati seu Embolimi observandus est Ortus & Locus, hoc est, unde oriatur, & quem locum in serie reliquorum Mensium obtineat.

III. Ortum ejus quod spectat, oritur is ex differentiarum Anni Solaris & Lunaris collectione. Duplicem enim Astronomi Annum habent, uti infra audiemus, Solarem & Lunarem. Solaris Annus est spatium temporis, quo Sol omnia duodecim Zodiaci signa percurrit, & continet 365. Dies & 6. Horas ferè. Lunaris autem annus est spatium, quo Luna duodecies cum Sole congregitur, seu qui duodecim Lunationes, cum omnibus suis partibus seu Phasibus, complectitur, 354. Dies & 9. Horas ferè comprehensens, adeoq; undecim Diebus minor est, quàm Annus Solaris: qui

qvi Dies Epactæ vocari solent, & annuatim colliguntur & conjunguntur, donec Mensẽm æqvabilem 30 Dierum aut Numerum his majorem constituent; tunc enim 30 abjiciuntur, & residuum adservatur, ad quod denuò sequentium annorum Epactæ colliguntur, donec in 30 Dies aut amplius excrescant, hoc modo: 11, 22, 3, 14, 25, 6, 17, 28, 9, 20, 1, 12, 23, 4, 15, 26, 7, 18, 29. Loco autem abjectorum 30 Dierum, intercalatur Mensis unus, qvi Embolimus oder der Einfömling appellatur. Neq; enim à Mense ullo Juliano, ut reliqui, denominationem sortitur. Fitq; hoc ideo, ut Lunationes, quæ aliàs per suam anticipationem planè extra ordinem suum evagaturæ, & ex æstivalibus hyemales, & vicissim futuræ essent, coherceantur, & in ordinem iterum redigantur.

112. Locum autem, qvi Embolimo, inter reliquos Menses debetur, quod concernit, de eo Astronomi per omnia non conveniunt. Circumfertur, incerto Autore, antiquus versiculus:

In quo completur, Mensi Lunatio detur,
quem alii aliter intelligunt & interpretantur.

113. Primò enim Veteres Astronomi, qvi ante Calendarii Juliani correctionem vixerunt, omnes eum ita intellexerunt, quod quælibet Lunatio ein teder Monatschein denominari debeat ab eo Mense Juliano, in quo illa completur, hoc est, ad finem percurrit. Ut si conjunctio Solis & Lunæ fiat in Augusto, & sequens conjunctio accadat in Septembri, Lunatio illa prior non à Mense Augusto, sed à Mense Septembri, in quo finem suum habet, ex mente veterum Astronomorum, & qvi eos adhuc sequuntur, denominanda est, adeoq; der Herbstschein / nicht der Augustschein appellanda. Quando autem in uno eodemq; Mense Juliano duæ Lunationes finiantur, posteriorem pro Embolimo habendam esse statuerunt.

114. Secundò Astronomi nonnulli recentiores versiculum illum aliter intelligunt, & *in quo completur*, pro plenâ luce lucere accipiunt, voluntq; adeò, quod quælibet Lunatio debeat ab illo Mense Juliano denominari, in quo Lunatio completur, hoc est, in quem Plenilunium incidit. Luna enim tum propriè compleri dicitur, quando plena est, aut quando complet Orbem suum, wenn er vollen Schein hat. Quoties ergo duo Plenilunia in unum eundemq; Mensẽm Julianum cadunt, toties posterius pro Mense

Embolimo habendum, prius verò à Mense illo Juliano denominandum esse volunt.

115. Tertiò sunt, quibus neutra sententia placet; sed qui volunt in denominandis Lunationibus respiciendum esse non solum ad Mensem Julianum; sed etiam ad ingressum Solis in novum signum, ita ut Lunatio illa, cujus Plenilunium ingressum Solis in novum signum proximè sequitur, à Mense Juliano illo, in quo ingressus ille contingit, denominanda sit. Quod si duo Plenilunia accidant, dum Sol adhuc in uno eodemq; signo commoratur, tunc posterioris Plenilunii Lunationem cum omnibus suis partibus pro Embolimo habendam esse autumant, & hujus sententiæ sunt *Origanus*, *Euchstadius* & alii.

116. Quartò *Linemannus*, Mathematicum in Academiâ Regiomontana olim Profesor Publicus, ut & *Crügerus*, Mathematicus quondam Dantiscanus, tertiam sententiam Naturæ quidem convenientiorem esse judicant; sed tamen sufficere censent, ut Plenilunii illius, quod ab Æquinoctio Vernali, seu ingressu Solis in Arietem, proximum est, potissimum, immò tantum ratio habeatur, ejusq; Lunatio tota vel à Martio, ut censet *Linemannus*, vel ab Aprili, ut vult *Crügerus*, denominetur; reliquæ vero ordine sequantur, & Embolimo non nisi in fine Anni Ecclesiastici, proximè ante Mensem Paschalem, quocunq; etiam aliàs Anni tempore duo Plenilunia, Sole in uno eodemq; signo adhuc commorante, contingant, locus tribuatur. Videantur ipsi, & quidem *Linemannus* in *Deliciis Calendariographicis ad Annum 1637. Quest. 1.* & *annum 1640. quest. 6.* *Crügerus* vero in *Cupediis Astrologicis ad Annum 1626. quest. 10.*

CAPUT V.

DE ANNO.

117. Fuit sic & *Mensis*; sequitur *Annus*, qui est spatium temporis, quo Stella motu proprio integrum percurrit Zodiacum. Estq; vel *Astronomicus*, vel *Politicus*.

118. *Annus Astronomicus* seu *Naturalis* est vel *Vsitus* vel *Inusus*.

119. *Annus Vsitus* est vel *Solaris* vel *Lunaris*.

120. *Annus*

120. *Annus Solaris* est spatium temporis, quo Sol motu suo proprio omnia duodecim Zodiaci Signa percurrit. Estq; iterum vel *Tropicus* vel *Sidereus*.
121. *Annus Solaris Tropicus* est Tempus, quo Sol sub Eclipticâ à puncto aliquo Zodiaci, verbi gratiâ *Æquinoctiali* vel *Solstitiali* egressus, ad idem revertitur. Vocatur aliàs etiam *Annus vertens*.
122. Dividitur *Annus Tropicus* in quatuor *Quartas* seu *Quadrantes*, & sunt *Ver*, *Æstas*, *Autumnus* & *Hyems*.
123. *Ver* est prima Anni pars ab *Æquinoctio* vernali ad *Solstitium* æstivum durans, quâ Sol ambulat per ♈, ♉, ♊, signa vernalia.
124. *Æstas* est altera Anni pars, à *Solstitio* æstivo ad *Æquinoctium* Autumnale procurrens, quâ Sol fertur per ♋, ♌, ♍, signa æstivalia.
125. *Autumnus* est tertia Anni pars, ab *Æquinoctio* autumnali, ad *Solstitium* Hyemale se extendens, quâ Sol peragrat ♎, ♏, ♐, signa autumnalia.
126. *Hyems* est quarta & ultima Anni pars, à *Solstitio* Hyemali ad *Æquinoctium* Vernale durans; quâ Sol ascendit per ♑, ♒, ♓, signa hyemalia.
127. *Annus Solaris Sidereus* est spatium temporis, quo Sol egressus à Stellâ aliquâ fixâ v. g. spicâ Virginis, Caudâ Leonis, proprio motu ad eandem revertitur, estq; Dierum 365. Horarum 6. & 10. minutorum primorum.
128. *Annus Lunaris Astronomicus* est tempus, quo Luna cursum suum absolvit, peragrato Zodiaco, qui dicitur *Mensis Lunaris* periodicus, de quo supra *Thes.* 78. & *seq.* egimus.
129. *Annus Astronomicus Inusitatus*, ita dictus, quod in vitâ communi nullum, apud Astronomos non ita magnum, ac solaris, usum habeat, est vel *Stellarum Fixarum*, vel *reliquorum*, præter Solem & Lunam, *Planetarum*, ♅, ♄, ♃, ♂ & ♀.
130. *Annus Stellarum Fixarum* est, quo Stellæ fixæ integrum Circulum motu proprio, emensæ, ad loca pristina in Zodiaco redeunt. Et hic Annus aliàs dicitur *Annus Platonius*, quo exacto, omnia pristinum ordinem sint habitura: estq; ex mente *Tychonis* Annotum 25410.
131. *Annus Planetarum* reliquorum, est vel *Saturnius*, vel *Jovialis*, vel *Martius*, vel *Venerens* vel *Mercurialis*, quorum quisq; integrâ Planetæ per Zodiacum revolutione determinatur.

132. *Annus Politicus* seu *Civilis* est, qui ex instituto Hominum, pro cuiusq; Gentis usu, assumtus est. Estq; vel *Solaris* vel *Lunaris*.
133. *Annus Politicus Solaris* est, qui ad motum Solis proprium magis accommodatus est, unde & nomen habet. Estq; vel *æquabilis* vel *inæquabilis*.
134. *Annus Solaris æquabilis* est, qui sine ullâ Horarum adjectione constat 365. diebus, & dicitur aliàs *Chaldaicus* & *Ægyptiacus*.
135. *Annus Solaris inæquabilis* est, qui 365. Dies & 6. Horas completitur, & appellatur aliàs *Annus Julianus*, eò quod à *Julio Cesare*, Anno tertio Monarchiæ suæ, & ante natum Christum quadragésimo quarto, operâ *Sofigenis* Mathematici institutus, & ad Solis cursum accommodatus sit, eò fine, ut prohiberet, ne *Æquinoctia* & *Solstitia* tam facile à sedibus suis dimoverentur. Nisi enim istarum sex horarum, quæ quarto quoq; anno collectæ, unum Diem intercalandum sistunt, haberetur ratio, Menses suas tempestates non servaturi essent; sed æstivi intra Annos 700 transirent in hyemem, & vicissim hyberni in æstatem essent migraturi. Estq; iterum vel *Communis* vel *Bisextilis*.
136. *Annus Communis* continet Dies 365. adeoq; cum anno æquabili ejusdem Quantitatis est.
137. *Annus Bisextilis*, Germanicè *Schalt. Jahr*/ ab antiquo *Schalt. ten*/ quod est promovere; (promovetur enim litera Dominicalis uno die in Anno bisextili ob Diem intercalarem,) completitur Dies 366. adeoq; uno Die major est, quàm communis: qui Dies quaternis Annis, ex horis sex quater sumtis, quibus Annus communis supra Dies 365. excrescit, coacervatur; & circa finem Februarii, qui est Mensium brevissimus, inter Dies ejusdem vigesimum tertium & vigesimum quartum, (*inter scilicet Terminalia & Regifugium: vide Chronologos,*) intercalatur. Dies enim vigesimus tertius Februarii Romanis dicitur septimus Calendas Martii, vigesimus quartus vero sextus Calendas Martii. Quando ergo Dies intercalaris inseritur, vocatur & ipse sextus Calendas Martii, ita ut eo Anno bis sextus Calendas Martii scribatur. Unde Annus, in quo intercalatio ejusmodi fit, vocatur Bisextilis. Numerabant nempe Romani Dies Februarii ita: 22, 23, 24, 24, 25, 26, 27, 28, cum ipsorum Religio non ferret, ut plures quàm 28 Dies in Februario numerarentur, Sed nos Christiani naturalem
- Ordi-

Ordinem sequentes, in Anno bisextili Dies viginti novem numeramus, ita tamen ut vigesimus quartus & vigesimus quintus dies unam eandemq; literam, nempe F, & ultimus Februarii Dies in bisextili æq; ac in communi, literam C retineant, & Festum etiam Matthiæ non diei intercalari, nempe vigesimo quarto Februarii, sicut in anno communi, sed vigesimo quinto assignetur, juxta versus rophalicos:

Bis sextum sextæ Martis tenuere Calendæ,

Posteriore Die celebrantur Festa Mathiæ.

138. Cognoscitur autem Annus quilibet, communis ne an Bisextilis sit, tum in veteri tum in novâ formâ sequenti ratione. Si propositus Annus per 4 exactè dividuus fuerit, Bisextilis erit: at si aliquid remanserit, erit Annus communis, qui quotus sit à Bisextili, residuum indicabit. Exceptis in formâ Anni novâ centenariis iis, quorum characteres significativi per 4 exactè dividi nequeunt. Hi enim in formâ novâ accensentur Annis communibus, cum in veteri omnes existant bisextiles.
139. *Exempli gratiâ*: Annus à Christo nato 1672 in utraq; Anni formâ est bisextilis, quia 1672 per 4 exactè dividi possunt. At Annus 1673 est Annus in utrâq; formâ communis, & quidem à bisextili primus, quia per 4 divisus, relinquit 1. Annus vero 1700 est quidem juxta formam anni veterem Bisextilis, quia totus per 4 exactè est dividuus; at secundum formam novam est communis, quia characteres significativi 17. (abjectis ciphris) non possunt exactè dividi per 4.
140. *Annus Politicus Lunar*is est, cujus ratio ad Lunam refertur; seu qui à Mensibus Lunaribus describitur. Estq; vel *Communis*, vel *Embolimæus*.
141. *Annus Lunar*is *Communis* est, qui ad duodecim Menses Lunares; *Embolimæus*, qui ad Menses Lunares tredecim describitur.
142. Ratione initii Anni, ordinisq; Mensium, Anni Lunares duplicem etiam acquirunt Denominationem. Alter enim qui à Novilunio, quod in Calendas Januarii committitur, vel ipsas proximè præcedit Calendas, initium ducit, *Annus Lunar*is *civilis* dicitur: alter vero, cui Novilunium Paschale principium dat, *Annus Lunar*is *Ecclesiasticus* vocatur.

LIBER II.
DE COMPUTO PRACTICO.
CAPUT I.
DE CYCLO SOLARI,
Dem Sonnen-Circul.

- 143.** *Computus Theoricus* ita est expositus: exponemus nunc etiam *Practicum*, qui de ipsa partium temporis *Digestione & Ordinatione* agit, cujus considerata veniunt *Media & Forma*.
- 144.** *Media*, quibus *Digestio* peragitur, sunt certæ Annorum connexiones seu Systemata, quæ usitate dicuntur *Cycli*, qui sunt varii, è quibus autem præcipui sunt *Cyclus Solaris*, ad quem pertinet *Litera Dominicalis*, *Cyclus Indictionis*, & *Cyclus Lunaris*, seu *Numerus aureus*, ad quem referuntur etiam *Epactæ*.
- 145.** **CYCLUS SOLARIS**, der Sonnen-Circul/ à Sole nomen habet, non quod Sol in eo cursum suum peragat; sed quod literæ Dominicales, hoc est, Literæ, quæ Diei Solis dem Sonntage/ attribui solent, in eo omnes suas varietates absolvant, & ad priorem ordinem redeant; est itaq; nihil aliud, quàm revolutio viginti octo annorum, quibus litera Dominicalis omnes suas mutationes peragit.
- 146.** *Hujus Cycli* observanda est *constitutio*, & *Anni* propositi, quotus is *Cycli Solaris* sit, *Investigatio*.
- 147.** *Constituitur Cyclus Solaris* ex ductu *Cycli ferialis* in *Cyclum Bisextilem*, hoc est, ex multiplicatione 7. in 4. Singulis enim septem annis Varietas literæ Dominicalis ad suum principium rediret; nisi *Anni Bisextiles*, qui quarto quovis anno incidunt, obstarent. Hi enim majorem varietatem producunt, quæ numero septenario in quaternarium ducto, explicatur, uti in sequenti capite fusius docebimus.
- 148.** *Investigatio* autem *Anni*, quotus quisq; datus *Cycli Solaris* sit, instituitur tum in Veteri tum in Novo Calendario ita:
1. Ad Annum Christi propositum adduntur novem: Creditur enim Christus Salvator noster natus, cum *Cyclus Solaris* esset *Novenarius*.

2. Aggre-

2. Aggregatum per 28, utpote Numerum totius Cycli, dividitur, & Quotus exhibet integras hujus Cycli revolutiones inde à nato Christo: Residuum vero est ipse Numerus seu Annus Cycli Solaris quæsitus. Memineris tamen, si nihil post Divisionem remanserit, totum Cyclum 28 pro residuo accipiendum esse.

149. *Exempli gratia*: Sit quærendus Anni 1673 Cyclus Solaris. Adde primò 9 ad 1673 fiunt 1682. Deinde Aggregatum hoc 1682 divide per 28 emergunt in Quotiente 60, quæ ostendunt quoties à Christo nato Cyclus reiteratus sit, & manet in residuo 2, quæ sunt ipse numerus, seu Annus Cycli Solaris.

<i>Annus propositus</i>	1673
<i>Adde</i>	9
<i>Aggregatum</i>	1682

1682	60 Revolutiones Cycli.
288	& Residuum est 2 Cyclus
2	Solaris quæsitus.

CAPUT II.

DE LITTERA DOMINICALI.

150. *Littera Dominicalis* est, quæ Diem Dominicum, seu Solis, per totum Annum ostendit, estq; una ex his septem A. B. C. D. E. F. G. & in Anno communi unica tantum est, at in Anno bissextili duæ Litteræ Dominicales sunt, quarum prior à principio Anni ad 24 usq; Februarii, seu Festum Matthiæ usurpatur; altera vero inde usq; ad finem Anni adhibetur.

151. *Observanda est Litteræ Dominicalis Variatio, Investigatio, & Causa Diversitatis*, quâ Litteræ Dominicales Veteris & Novi Calendarii inter se differunt.

152. *Variationis Litteræ Dominicalis* duæ potissimum sunt Causæ: una dependet ab Anno communi, altera à Bissextili.

E

153. Annus

153. *Annus communis*, ut notum est, continet Dies 365 hoc est 52 septimanas & diem unum. Jam autem Veteres septem septimanarum diebus, septem priores Alphabeti Litteras assignarunt, ita ut singulis annis primo diei Januarii tribuerint Litteram A, secundo Litteram B, tertio Litteram C, & sic consequenter, repetitis subinde Litteris ordine, usque ad finem anni. Unde patet, quod semper una ex septem istis Litteris, Littera Dominicalis sit. Si ergo Annus exacte 52 septimanis constaret, omnes Anni unam eandemque Litteram Dominicalem habituri essent, nec opus foret ullâ inquisitione Cycli Solaris. Verum Annus communis superat septimanas 52 uno die, qui Dies ultimus, cum Litterae septem Alphabeti in 52 septimanis exacte quinquagies bis in ordinem redeant, necessario etiam Litteram A accipit. Quoniam ergo & sequens septimanarum dies, nempe primus Dies Januarii Anni novi, itidem, ut antea diximus, Littera A signanda est, fit ut Dies Dominica proximè sequens, Litteram Dominicalem præcedentis Anni assequi non possit.

154. *Exempli gratia*: Sit anni alicujus Dies primus Januarii Dies Dominicus, & habeat Litteram A, erit ultimus ejusdem Anni Dies, nempe 31 Decembris etiam Dominicus Dies, & eandem Litteram A habebit, & ita annus sequens incipiet à Die Lunæ, qui, ut alii omnes primi cujusque Anni Dies, etiam habet A, adeoque sequens Dies Martis habet B, Dies Mercurii C, Dies 4 D, Dies 5 E, Dies 6 F, Dies Solis G. Eodem modo Anno tertio Dies Dominica assequitur tantum Litteram F. Et ita semper Littera Dominicalis mutatur retrogrado ordine.

155. Deinde si singuli Anni constarent Diebus 365, Variatio Litterae Dominicalis septem Annorum spatio redirect exquiritè in suum ordinem. Verum cum Annus quartus quisque sit Annus Bissextilis, in quo diebus 365 Anni communis accrescit adhuc Dies unus, qui intra Dies 23 & 24 Februarii ordinarios inseri solet; & Veteres etiam Bissextilem Annum Littera A finire voluerint, factum est, ut Diei intercalari eandem Litteram F, quam & 24 Februarius nativus habet, attribuerint. Unde evenit, ut proximè sequens Dies Dominica, iterum Litteram Dominicalem eam, quam præcedentes Dies Dominicae habuerunt, assequi minimè queat, sed
aliam

aliam novam accipiat, quam ob causam denuo Litterarum ordo turbatur, & major adhuc variatio earundem inducitur.

156. *Exempli gratia:* Anni 1672, qui bissextilis erat, Littera Dominicalis in principio Anni usq; ad Diem intercalarem fuit C. Post 23 Februarii, qui Dies ♂ fuit, & Litteram E habuit, sequebatur 24 Februarii, qui Dies intercalaris fuit, & Dies ☿, habuit ergo Litteram F. 25 Februarii fuit Dies ♀ & retinuit Litteram F: 26 Februarii fuit Dies ♀ & habuit Litteram G: 27 Februarii fuit Dies ☿ & habuit Litteram A: 28 Februarii fuit Dies Solis, & accepit Litteram novam Dominicalem B, quæ deinceps per totum Annum usq; ad finem eadem permansit. Habet itaq; quivis Annus bissextilis duas Litteras Dominicales, quarum prior ante Diem intercalarem, posterior post diem intercalarem usurpatur. Atq; hinc fit, ut Variationes Litteræ Dominicalis post quater septem annos, hoc est, 28 demum in ordinem pristinum redeant.

157. *Investigatio Litteræ Dominicalis duplici modo institui potest. Primò Vulgariter & usitatè, mediante Cyclo Solis, ex Tabula hanc ad rem peculiariter constructâ. Deinde etiam sine Cyclo Solis per compendiosam supputationem.*

158. Priori modo, mediante Cyclo Solis indagatur Littera Dominicalis ita:

1. Quare, juxta modum præcedenti Capite expositum, Numerum Cycli Solaris.
2. Cum Numero Cycli Solaris ingredi pro Calendario quidem Veteri, Tabulam subjectam primam, pro Calendario vero Novo, Tabulam secundam, si Annus seculi currentis, & Annum Christi 1700 præcedens datus fuerit; vel Tabulam tertiam, si Annus seculi sequentis & post annum Christi 1699 sit datus; & Littera subscripta est Littera Dominicalis quæ sita: quæ si unica fuerit, Annum communem: si duplex, Annum bissextilem ostendit, quarum superior in principio Anni usq; ad 25 Februarii seu Festum Matthiæ, inferior vero inde usq; ad finem Anni usurpatur.

Prima Tabula pro Calendario Veteri
perpetua.

Numr. Cycli ☉	1.	2.	3.	4.	5.	6.	7.	8.	9.	
Littera Dominica- lis.	G.	E.	D.	C.	B.	G.	F.	E.	D.	
	F.				A.				C.	
Numr. Cycli ☉	10.	11.	12.	13.	14.	15.	16.	17.	18.	
Littera Dominica- lis.	B.	A.	G.	F.	D.	C.	B.	A.	F.	
				E.				G.		
Numr. Cycli ☉	19.	20.	21.	22.	23.	24.	25.	26.	27.	28.
Littera Dominica- lis.	E.	D.	C.	A.	G.	F.	E.	C.	B.	A.
			B.				D.			

Secunda Tabula pro Calendario Novo,
ab Anno 1500. usq; ad Ann.
1700.

Numr. Cycli ☉	1.	2.	3.	4.	5.	6.	7.	8.	9.	
Littera Dominicalis.	C.	A.	G.	F.	E.	C.	B.	A.	G.	
	B.				D.				F.	
Numr. Cycli ☉	10.	11.	12.	13.	14.	15.	16.	17.	18.	
Littera Dominicalis.	E.	D.	C.	B.	G.	F.	E.	D.	B.	
				A.				C.		
Numr. Cycli ☉	19.	20.	21.	22.	23.	24.	25.	26.	27.	28.
Littera Dominicalis.	A.	G.	F.	D.	C.	B.	A.	F.	E.	D.
			E.				G.			

Ter-

Tertia Tabula pro Calendario Novo

ab Anno 1700. ad Ann. 1800.

Numr. Cycli ☉	1.	2.	3.	4.	5.	6.	7.	8.	9.	
Littera Dominicalis.	D.	B.	A.	G.	F.	D.	C.	B.	A.	
	C.				E.				G.	
Numr. Cycli ☉	10.	11.	12.	13.	14.	15.	16.	17.	18.	
Littera Dominicalis.	F.	E.	D.	C.	A.	G.	F.	E.	C.	
				B.				D.		
Numr. Cycli ☉	19.	20.	21.	22.	23.	24.	25.	26.	27.	28.
Littera Dominicalis.	B.	A.	G.	E.	D.	C.	B.	G.	F.	E.
			F.				A.			

159. *Exempli gratiâ*: Sit invenienda Littera Dominicalis Anni 1673. Primo ergo quæro, juxta doctrinam præcedentis capitis, Numerum Cycli Solaris, quem invenio esse 2 hoc modo;

$$\begin{array}{r}
 \text{Annus prop.} \quad 1673 \\
 \text{Adde} \quad \quad \quad 9 \\
 \hline
 1682
 \end{array}
 \qquad
 \begin{array}{r}
 1682 \\
 288 \overline{) 60} \\
 2
 \end{array}$$

Deinde cum hoc Numero 2 ingredior, pro Veteri Calendario, Tabulam primam, pro Novo vero secundam, & invenio in illâ pro Veteri Calendario Litteram unicam ei subscriptam E: in hac vero pro Calendario novo Litteram unicam A; quod indicio est Annum propositum esse communem, & unicam tantum habere Litteram Dominicalem, quam ubicunq; in Calendario Diei alicui appositam invenio, eum Diem concludo in proposito anno esse Diem Dominicum.

160. Sic anno Christi 1704 Cyclus Solaris erit 3, qui juxta ductum præcedentis Capitis, ita invenitur,

$$\begin{array}{r}
 \text{Annus propositus} \quad 1704 \\
 \text{Adde} \quad \quad \quad 9 \\
 \hline
 1713
 \end{array}
 \qquad
 \begin{array}{r}
 35 \\
 1713 \overline{) 61} \\
 288 \\
 2
 \end{array}$$

E 3

In

In priore ergo Tabulâ pro Veteri Calendario ostendit duas Litteras B A, in tertiâ vero tabulâ pro Novo Calendario itidem duas F E, quod indicium est, annum futurum esse Bissextilem, & litteras priores seu superiores B & F in priori anni parte, posteriores vero A & E in posteriori fore Dominicales.

161. *Causa*, cur Litteræ Dominicales Veteris & Novi Calendarii non sunt eadem, hæc est: Anno 1582, cum Calendarii reformatio institueretur, ejectæ sunt ex Octobri decem integri dies, ita ut eo anno dies Octobris numerarentur 1, 2, 3, 4, 15, 16, 17, &c. unde factum, ut simul etiam 10 litteræ, hoc est omnes septem, & insuper tres denovo, diebus illis 10 ejectis competentes, omitterentur. Quod si septem aut quatuordecim dies omisi fuissent, (quod vero verus Motus Solis non permisit) Litteræ permansissent in suo ordine pristino. Verum nunc, ob istam decem dierum præteritionem, Littera dominicalis novi Calendarii hoc nostro currente seculo tribus locis à Littera dominicali Veteris Calendarii antrosum remota est. Et hæc est Causa cur Litteræ utriusq; Calendarii non conveniant.

162. *Causa* etiam, cur Tabula Novi Calendarii non sit perpetua, sicut Veteris Calendarii, hæc est: Annus Julianus est $365\frac{1}{4}$ dierum, & excedit annum Solarem aliquot minutis, quæ collecta constituunt in annis 300 integrum ferè diem; unde, ne dies Æquinoctii denuò à suo loco dimoveretur, Correctores Calendarii ordinarunt, ut in iis annis centenariis, quorum characteres significativi per 4 non sunt exactè dividui, habeantur pro communibus, quales sunt 1700, 1800, 1900 &c. qui aliàs in Calendario Veteri omnes sunt Bissextiles. Hinc, ob omissionem diei intercalaris in istis annis, Litterarum dominicalium ordo denuò turbatur, ita ut Novas Tabulas pro iis (qualis pro 1700 est tertia paullò ante tradita,) construere necesse sit.

163. Posteriori modo, sine Cyclo Solari, Littera dominicalis facillimè etiam investigari potest hac ratione:

1. Numerum centenariis minorem divide per 4.

2. Quotienti emergenti adde eundem Numerum minorem,

3. Aggre-

3. *Aggregatum* divide per 7, & relictum (pro hoc nostro seculo,) subtrahere ab 8: (pro seculo vero instante) idem relictum subtrahere à 10. & Residuum indicabit Litteram dominicalem Novi Calendarii quæsitam. Quod si nihil remanserit, (pro hoc nostro corrente seculo,) 7 ab 8 subtrahere: aut (pro seculo instante) si post subtractionem relictum plus quàm 7 remanserit, à Residuo adhuc septem abjice; ut indicem Litteræ dominicalis Novi Calendarii acquiras.

4. Adde pro Seculo nostro adhuc quatuor, hoc est, numera à litterâ dominicali Novi Calendarii exclusivè adhuc quatuor: pro Seculo vero instante, adhuc tres literas, habebis etiam Litteram dominicalem Veteris Calendarii.

Nota: Si annus propositus fuerit bissextilis, duæ Litteræ dominicales usurpantur, nempe Littera inventa in posteriori parte anni, sequens vero in priora parte adhibenda est. Litteræ vero ita numeris suis signandæ sunt.

1	2	3	4	5	6	7
A	B	C	D	E	F	G

164. E. g. Sit indaganda Littera dominicalis pro anno 1673. Primo numerum minorem 73 divide per 4. emergent 18 & remanet 1, quæ negligitur. Ad quotientem 18 adde numerum minorem 73 fiunt 91. Hæc divide per 7, proveniunt 13, quæ non curantur, & remanet 0: pro quâ sumo 7 quod subtraho ab 8, relinquitur 1, quæ indicat primam Litteram nempe A esse Litteram dominicalem Novi Calendarii; a quâ progredere numerando usq; ad quartam naturali ordine sequentem, & offendes E Litteram dominicalem etiam Calendarii Veteris.

Operatio

Operatio,

$$\begin{array}{r|l} 31 & \\ 1673 & 18 \text{ Quotus} \\ 44 & 73 \text{ Numr. minor add.} \\ \hline & 91 \end{array}$$

$$\begin{array}{r|l} 20 & \\ 94 & 13 \text{ Remanet Ciphra. Ergo pro eâ sumo 7 & subtraho ab} \\ 77 & 8 \text{ relinquitur 1.} \end{array}$$

Ergo Littera Dominicalis N.C. est A & Veteris E.

165. Sic sit quærenda Littera dominicalis Anni instantis seculi 1704 Bissextilis. Procede per omnia juxta Regulam datam; nempe numerum minorem 4 divide per 4 emergit 1. Quotienti huic adde eundem numerum minorem 4 fiunt 5. Summam hanc divide per 7, remanent 5, quæ subtrahere à 10, relinquantur 5, quæ dant Litteram E pro parte anni posteriore, & pro anni parte prioris F, in Calendario Novo. Quod si numeres ab E ulterius ad tertiam usq; Litteram, pervenies ad A, quæ est Littera dominicalis partis posterioris, & B partis prioris Anni in Calendario Veteri.

Operatio,

$$\begin{array}{r|l} 1704 & 1 \text{ Quotus} \\ 4 & 4 \text{ Nrus minor} \\ \hline & 5 \text{ Summa} \end{array}$$

$$\begin{array}{r|l} 5 & 0 \text{ Quotus} \\ 7 & \text{Remanet 5 quæ} \\ & \text{Subtrahere à 10} \\ & \text{relinquitur 5 quæ dant E} \\ & \text{pro Novo & A pro Veteri} \\ & \text{Calendario.} \end{array}$$

166. Deniq; facillimè etiam, & sine omni Calculo, pro quovis seculorum quorumcunq; anno Littera dominicalis Novi Calendarii, ope sequentis Tabulæ haberi potest ita: Anni Christi propositi figuras numerales binas, quæ centurias & centuriarum decades numerant, nullâ ratione habitâ figurarum reliquarum, tam præcedentium quàm consequentium, per 4 dividantur, & residuum (quoti enim nulla habetur ratio,) erit aut 0, aut 1, aut 2, aut 3, qui

qvi etiam sunt indices tabularum, & qualitat̃ centesimorum, bissexti ne sint, an vero primi, secundi vel tertii à bissextis, Cum hoc ergo residuo seu indice in Capite, & anno Centuriæ in latere, tabulam ingredi, & angulus communis, qvi uno habetur intuitu, litteram dominicalem pro Calendario Gregoriano exhibet: hoc solum notandum, in primo transversali ordine, qvi centesimorum est, pro nonbissextis unicam solam litteram, & quidem eam, quæ solitaria est, esse accipiendam. E. g. si quærat̃ur, quæ littera dominicalis futura sit anno Christi 12245? 22 diuisa per 4? residuum faciunt indicem 2, sub quo è regione numeri 45 reperitur littera E dominicalis quæsit̃a. Immo neq; ullâ per 4 diuisione opus est: cum enim semper quatuor numeri Annorum expansorum eadem includantur cellulâ, si primo cuiusvis cellulæ pro indice eliciendo tribuas 0, secundo 1, tertio 2, quarto 3, ipsæmet binæ figuræ, quas iussimus pro annis centesimis assumere, in istis cellulis reperiunt̃ur, indicem quæsitum absq; ullâ diuisione sub-

Indices Centuriarum.				Anni Centuriarum expansi.			
0	1	2	3				
B A	D C	F E	A G	0	28	56	84
G	B	D	F	1	29	57	85
F	A	C	E	2	30	58	86
E	G	B	D	3	31	59	87
D C	F E	A G	C B	4	32	60	88
B	D	F	A	5	33	61	89
A	C	E	G	6	34	62	90
G	B	D	F	7	35	63	91
F E	A G	C B	E D	8	36	64	92
D	F	A	C	9	37	65	93
C	E	G	B	10	38	66	94
B	D	F	A	11	39	67	95
A G	C B	E D	G F	12	40	68	96
F	A	C	E	13	41	69	97
E	G	B	D	14	42	70	98
D	F	A	C	15	43	71	99

Indices Centuriarum.								Anni Centuriarum expansi.		
0		1		2		3				
C	B	E	D	G	F	B	A	16	44	72
A		C		E		G		17	45	73
G		B		D		F		18	46	74
F		A		C		E		19	47	75
E	D	G	F	B	A	D	C	20	48	76
C		E		G		B		21	49	77
B		D		F		A		22	50	78
A		C		E		G		23	51	79
G	F	B	A	D	C	F	E	24	52	80
E		G		B		D		25	53	81
D		F		A		C		26	54	82
C		E		G		B		27	55	83

ministrabunt. Ut in Exemplo proposito numerus Centenariorum est 22, & tertius in suâ cellulâ, (in quâ isti numeri conspiciuntur 20, 21, 22, 23) idcirco ejus indicem dicito esse 2.

CAPUT III.

DE INDICTIONE ROMANA,

Von der Römer Zinse-Zahl.

- 167.** INDICTIO ROMANA seu Cyclus Indictionalis, est Spatium Temporis trium Lustrorum, seu 15 Annorum. Cujus observanda sunt *Vsus & Inventio*.
- 168.** *Vsus Cycli* hujus olim hic fuit. Romani, qui universo fere Orbi terrarum dominabantur, Gentes longius à se disitas ad tributa quinto quoq; Anno ferenda cogeant, & quidem ita, ut in fine primi Quinquennii aurum afferrent, ad Imperii conservationem & Dominationis signum: in fine secundi argentum, ad stipendia Militum; in fine tertii ferrum, ad reparationem armorum. Ut ergo populus, quo anno tributa solvenda essent, & simul quotus Annus post tributionem fluere, certus esset, Cyclum hunc instituerunt.

tuerunt. Neve hæc Romanorum constitutio facile ex hominum memoriâ laberetur, sanxerunt postmodum Imperatores posteriores, ne ullum instrumentum à Notario confectum, ratum haberetur, nisi indictione adjectâ, quod & hisce temporibus adhuc in Imperio observari solet. Incipit autem Indictionis Cyclus ex Imperatorum sententiâ 24 Septembris: ex Romani Pontificis vero decreto 1 Januarii.

169. *Inventio hujus Cycli ita instituitur.*

1. Adde ad annum æræ Christianæ propositum 3, siquidem Christus, secundum Dionysium Abbatem, est natus anno quarto Cycli Indictionis.

2. Aggregatum hoc divide per 15, & quod post divisionem remanet, est Numerus Indictionis quæsitus. Quod si nihil remaneat, totus Cyclus Indictionis, nempe 15, pro quæsito accipiendus est.

Solet & hoc Distichon pro retinendâ facilius operatione tradi.

Si tribus adjunctis Domini diviseris Annos,

Ter Tibi per quinos Indictio certa patebit.

170. Veluti, quærenda sit Indictio Anni 1673. Primò ei adde 3, fiunt 1676. Aggregatum hoc divide per 15, proveniunt in Quotò III, quæ non curantur, & relinquitur 11, qui ipse Numerus est Indictionis quæsitus.

	Operatio.	
<i>Annus datus</i>	1673	
<i>adde</i>	3	
	I	
	121	
<i>Aggregatum</i>	1676	III Quotus
<i>Divide per</i>	1555	
	11	

Relinquitur 11 Indictio quæsitæ.

171. Si dentur anni ante Christum natum, subtrahuntur Annis datis 3: quod provenit, dividitur per 15 & Residuum subtrahitur à 16, quod restat, est Indictio quæsitæ. Ut Anno 142 ante Christum natum Indictio est 12, ut sequens operatio ostendit.

Annus ante Christum	142	
Subtrahere	3	
	4	
Residuum	139	9 Quotus
divide per	15	
restat	4	
quæ subtrahere à	16	
Indictio quæsita	12.	

CAPUT IV.

DE CYCLO LUNARI, SEU AUREO NUMERO.

Von der Guldnen Zahl.

172. CYCLUS LUNARIS, qui Cyclus decemnovennalis, Græcis *ἐννεαδεκαέτης* dicitur, est Revolutio periodica annorum nostrorum civilium novendecim, post quod tempus elapsum antiquitas Lunationes, hoc est, Novilunia, Plenilunia & Quadraturas, ad pristinum statum redire arbitrabatur. Et hujus Cycli partem quamlibet *Aureum* vocabant *Numerum*, ex eâ ratione quæ jam indicabitur.
173. Consideranda autem sunt *Numeri Aurei* tum *Officium*, seu *Vsus*, tum *Indagatio ejusdem*.
174. *Officium* seu *Vsum Aurei Numeri* quod spectat, inventus is est, ut Indicaret & ostenderet 1. Conjunctiones & Oppositiones Luminarium, & inde 2. etiam Terminum Paschalem. Et ob hunc duplicem Usum insignem, quem præstare olim Veteribus credebatur, vel etiam, quod litteris aurei coloris in Calendario Romano olim scribi solitus fuerit, Nomen suum sortitus est, ut *Aureus Numerus* vocaretur.
175. Primò enim, ex *Metonis* Asserito, qui annis ante Christum circiter 431 floruisse dicitur, & primus Lunæ ratiocinia, sive Novilunia & Ple-

& Plenilunia post annos 19 ad eundem diem reverti docuit, prisci Christiani persuasi, Cyclum hunc per omnia Motui Luminarium congruere arbitrati sunt. Unde postea *Dionysius Abbas Romanus*, Numeros hujus Cycli ab unitate usq; ad 19 Romano Calendario ita adaptavit, ut, si constaret, quis Numerus aureus Anni alicujus *Æræ Christianæ* esset, statim ex Calendario Novilunia cognoscerentur. Quibuscunq; enim Diebus in illo anno aureus Numerus adscriptus reperiabatur, eo ipso die Novilunium evenire credebatur. Verum posterior *Ætas* longâ observationeprehendit, Lunationum varietatem spatio novendecim annorum, uti Veteres arbitrati sunt, præcisè in orbem non redire; sed anticipationem fieri in 19 Annis ad Horam & 30 minuta ferè ante. Veluti fiat aliqua media conjunctio Solis & Lunæ in principio Arietis in ipsa meridie; & post annos 19 eadem conjunctio eveniet horâ 1 & 30 minutis ferè ante. Unde hic prior Usus hodie ferè obsolevit, & Lunationes juxta eum non amplius dijudicantur.

176. *Usus tamen alter*, qui est, ut Terminus Paschalis, quemadmodum olim à Concilio Nicæno ordinatus est, ostendatur, adhuc in Calendario Veteri, (in Novo enim alia observatur ratio) retinetur. Numeri enim hujus beneficio Paschata, quo Die Mensis etiam ante 1200 annos celebrata sint, scire possumus; quanquam hodierno tempore, in celebratione Paschatis, juxta Vetus Calendarium, à vero Terminò enormiter & ad quinq; quandoq; Septimanas aberretur, ut ita aureus iste Numerus, cum id verè non præstet, quod debet, ferè plumbeus factus sit.

177. *Investigatio Numeri aurei ad quemcunq; annum, tum in Veteri tum in Novo Calendario ita peragitur:*

1. Additur anno post Christum natum proposito unitas; quandoquidem eo anno, quo natus dicitur Salvator Christus, aureus Numerus fuit 1.
2. Aggregatum dividitur per 19, & Residuum, (Quoti enim nulla habetur ratio) est Numerus aureus propositi anni quæsitus; hoc saltem observato, quod si post Divisionem in Residuo nihil remaneat, integer Cyclus 19 pro Numero aureo assumendus est.

178. Sit v. g. quærendus aureus numerus anni 1673. Primo igitur adde ei unitatem, fiunt 1674. Deinde hoc Aggregatum 1674 divide per 19, emergunt in Quotiente 88, quæ negliguntur, & remanent 2, quæ sunt ipse Numerus aureus hujus anni concupitus, tum in Veteri tum in Novo Calendario.

	<i>Annus propositus</i>	1673	
	<i>Adde</i>	1	
	<i>Aggregatum</i>	1674	
		152	
<i>Aggregatum</i>	1674	88	<i>Quotus</i>
<i>divide per</i>	19		
	2		

Residuum 2 est Aureus Numerus quæsitus.

CAPUT V.

DE EPACTIS,

Bon Mon = Zeiger.

179. EPACTÆ dictæ ab ἐπαγειν *invethere, inferre*, sunt Dies, quibus annus Solaris communis superat annum Lunarem. Annus enim Solaris communis est 365 : Lunaris vero tantum 354 dierum. Superat itaq; annus Solaris Lunarem 11 Diebus, & hinc Novilunia & Plenilunia singulis annis 11 ferè diebus citius contingunt, quàm anno antecedente, ut ex Annis Calendariis videre est,
180. Observanda autem sunt Epactarum 1. Ortus & Series. 2. Convenientia cum Cyclo Lunari seu Numero aureo. 3. Investigatio. 4. Usus.
181. Oriuntur Epactæ, ut jam dictum, ab Excessu 11 Dierum, quo annus Solaris Lunarem superat. Nam isti 11 Dies sunt Epactæ primi anni; quibus accedunt anno secundo alii 11 Dies, ut fiant Epactæ secundi anni 22; tertio anno iterum 11 Dies adveniunt, ut

ut fiant 33, & si ita pergeretur, excessus in aliquot annis in im-
 mensum se extensurus esset. Ne autem hoc fieret, necessum fuit
 certum terminum constituere, ultra quem Epactæ non sunt ex-
 tendendæ, qui quidem est Numerus tricenarius seu 30. Quoties
 ergo Epactæ 30 Dies superant, de iis 30 abjiciuntur, & pro iis
 Lunatio integra, eo anno, intercalatur, ut fiat annus Embolimæ-
 us tredecim Lunationum: Residuum vero ultra 30 Epactas serva-
 tur, & anni sequentis Epactis jungitur. Itaq; si de 33, quæ exces-
 sum trium annorum comprehendunt, 30 abjiciantur, remanent
 3, quæ sunt tertii anni Epactæ: his si addantur 11, fiunt Epactæ
 quarti anni 14: quibus si rursus addantur 11, constituuntur quinti
 anni epactæ 25: quibus denuò additi 11 Dies prodeunt 36, hoc est,
 Lunatio integra, quæ intercalatur, & 6 insuper Dies, quæ sunt
 epactæ sexti anni. Et ita progrediendum est usq; ad annum 19,
 pro quo tamen 12 non 11 Epactæ assumendæ & addendæ sunt,
 quæ assumptio 12 epactarum Saltus Lunæ vocatur, fitq; ideo, ut
 eadem Epactæ ad eosdem Cyclos, ubi antea fuerant, redire pos-
 sint. *Vide Calvisii Elench. Cap. 14.*

128. *Conveniunt autem Epactæ cum Numeris aureis, in Veteri Calen-*
dario quidem ita, ut primus annus Cycli Lunaris habeat Epac-
tas 11; secundus 22; tertius 3; quartus 14; quintus 25; & ita
consequenter. In novo autem Calendario, cum Dies 30 sint
extrusi, & futuris seculis plures omittendi sint, mutabilis & in-
constans est epactarum cum aureis Numeris convenientia: no-
stris tamen temporibus usq; ad annum 1700 Epactæ Novi Ca-
lendarii decem diebus minores existunt Veteribus, ita ut primo
Cycli Lunaris anno respondeat Epacta 1; secundo 12; tertio 23;
&c. uti ex subjectâ Tabellâ patet.

Tabula

*Tabula convenientiam monstrans Epactarum
cum Aureis Numeris.*

Aureus Numer.	Epactæ V. Cal.	Epactæ N. Cal.	Aureus Numer.	Epactæ V. Cal.	Epactæ N. Cal.	
1	11	1	11	1	21	
2	22	12	12	12	2	
3	3	23	13	23	13	
4	14	4	14	4	24	
5	25	15	15	15	5	
6	6	26	16	26	16	
7	17	7	17	7	27	
8	28	18	18	18	8	
9	9	29	19	29	19	
10	20	10	1	11	1	adde 12 fiunt.

183. Investigantur Epactæ mediante Cyclo Lunari, seu aureo Numero. Etsi enim hic in Novo Calendario, à Reformatoribus ejusdem, quoad usum suum pristinum, quo Novilunia ostendebat, sit rejectus: reservatur tamen adhuc in hunc finem, ut per eum Epactæ inveniantur; id quod fit sequenti ratione.

1. Multiplica Aureum Numerum propositi anni per 11.
2. Productum divide per 30, & residuum sistet Epactas Calendarii Veteris, à quibus subtrahe 10, adjectis prius 30, si subtractio fieri nequeat, & habebis etiam Epactas Calendarii Novi hoc currente seculo.

148. Veluti investigandæ sint Epactæ anni 1673, cujus Aureus Numerus *Thes.* 178. deprehensus est 2. Hunc ergo numerum aureum 2 multiplica per 11, fiunt 22. Productum hoc divide per 30, proveniunt in Quoto 0, quæ non curatur, & remanent 22. Epacta itaq; Veteris Calendarii est 22. Ab hac subtrahio 10, relinquuntur 12, quæ sunt Epactæ Novi Calendarii: quæ eadem etiam, ex Tabulâ *Thesi præcedenti* 182 subjectâ, colligi possunt.

Opera.

Operatio.

Anni propositi 1673 Numerus aureus
est 2

multiplica per 11

Productum	22	
Divide per	30	0 Quotus

Remanent	22	Epactæ V. Cal.
â quâ subtrahere	10	

Remanent 12 Epactæ N. Cal.

185. Ratio Regulæ est: Multiplicatio fit per 11, quia cuilibet anno Epactæ dantur 11; ex producto deinde per divisionem tricennarii, abjiciuntur Lunationes Embolimæ integræ, quarum numerum necessariò refert Quotus. Multiplicatur deniq; aureus Numerus, non anni Christi, tum quod primo Cycli anno debentur Epactæ 11, tum quia cum eodem aureo Numero semper eadem redit Epacta.

186. Usus Epactarum (quæ primis temporibus in usu non fuerunt,) est, ut

1. Differentiam inter annum Lunarem & Solarem monstrant.
2. Novilunia, Plenilunia & Ætatem Lunæ (cum id aureus Numerus hisce temporibus, quibus ad indicanda Festa mobilia in Veteri Calendario tantummodo adhibetur, præstare non possit,) ad tempus quodcunq; propositum tam præteritum quam futurum, patefaciant.

Id quod fit sequenti modo:

1. Ad datum annum Mensem & Diem Epactæ indagantur, eo quem monstravimus modo.
2. Dispicitur, num Mensis propositus sequatur vel antecedit Martium, & quotus sit â Martio.
3. Si propositus Mensis sit vel ipse Martius, vel Martium præcedens, Epactis inventis junguntur saltem Dies propositi Mensis, & habetur Ætas Lunæ.

4. Sin vero propositus Mensis Martium sequatur, Numerus Mensis à Martio exclusivè numeratus, Epactis adjicitur, annumeratis Aggregato Diebus Mensis propositi, & collectus Numerus exhibebit Lunæ ætatem Mensis dati.

Nota: Si Numerus collectus ad 29 usq; excrescat, 29 prius abjicienda sunt.

187. Veluti quæritur, quam ætatem Luna habuerit Anno 1673 die 6. Julii Calendarii Veteris? Primo ergo Epactis hujus anni Calendarii Veteris, quæ sunt 22 addo 4, quia Julius est quartus Mensis à Martio, quibus annnumero 6 Dies Mensis dati, & proveniunt 32, hinc abjectis 29 relinquantur 3. Patet ergo propositum 6 Diem Julii à Novilunio distare tribus diebus juxta Calendarium vetus.

Operatio.

Anni 1673 Epactæ	22
Julius à Martio est Mens.	4
Dies Julii	6
Aggregatum	32
Subtrahe	29

Remanent Dies

3 Ætas Lunæ.

188. Sic quæritur, quam Luna Ætatem habuerit 6 Julii eodem anno 1673 juxta Calendarium Novum. Procede ut prius & proveniunt 22 Dies.

Operatio.

Epactæ Anni 1673 N. C.	12
Julius à Martio est Mensis	4
Dies Julii	6

Aggregatum

22 Ætas Lunæ quæsitæ.

189. Verum ut aureus Numerus, ex rationibus supra adductis, Novilunia rectè non ostendit: ita & Epactæ ad Noviluniorum Dies & Ætates demonstrandas admodum languidæ deprehenduntur. Ideo & à Scriptoribus Ephemeridum & Calendariorum hodiè negligi solent. Interim tamen ad Terminum Paschalem in Novo Calendario inveniendum, ex ordinatione Gregorii XIII. Pontificis, & usu recepto, adhibentur, uti ex sequentibus patebit.

CAPUT

CAPUT VI.

DE CALENDARIO.

190. Fuerunt *Media*, quibus *Digestio partium Anni* peragitur: sequitur nunc *Forma Digestionis* in Calendario.
191. CALENDARIUM enim nihil aliud est, quàm artificiosa Mensium & Dierum, ad usum Ecclesiasticum & Politicum accommodata, Dispositio.
192. Hujus variæ sunt Formæ, e quibus inter Christianos maximè viget *Calendarium Julianum*, ita dictum, ab Autore Cajo Julio Cæsare, qui Antecessorum suorum Anni rationem, quod nimis extra ordinem deflecteret, operâ *Sofigenis*, insignis Astronomi, quem hoc fine secum Romam è Scholâ Alexandrinâ adduxerat, emendatam & in ordinem redactam, Anno ab Urbe conditâ 708, ante natum Christum 45, Quinto Fabio Maximo & Cajo Treboniano Consulibus, promulgavit & introduxit.
193. Cujus ipsius tamen hodie duæ quasi sunt species, *Vetus* & *Novum*; illud κατ' ἐξοχήν *Julianum* dicitur: hoc *Gregorianum* seu *Lilianum* appellari consuevit.
194. *Calendarium Julianum Vetus* est, quod inde à Nicæno Concilio usq; ad promulgationem Calendarii Gregoriani apud omnes, hodiè vero apud Anglos, Danos, Svecos & Protestantes Status Germaniæ adhuc in usu est, & quoad Formam & Substantiam Calendarii Juliani primi & Anni ipsius non differt, nisi quod à Concilio Nicæno Festis pluribus, imprimis Paschali, & variis huic inservientibus Cyclis, exornatum prodiit.
195. *Calendarium Gregorianum*, ita dictum à Gregorio XIII Pontifice, quod aliàs & *Lilianum*, ab Authore *Lilio*, dicitur; Anno 1582, Mense Octobri introductum est, hâc ratione. Julius Cæsar Anni sui Politici Quantitatem, commodioris Calculi Causâ, assumserat 365 Dierum & 6 Horarum; cum tamen Annus Solaris tropicus medius tantum sit 365 Dierum, 5 Hor. 49', 16'', 17''': adeoq; suum Annum 10', 43'', 43''', hoc est, quintâ ferè parte unius horæ justo majorem constituerat. Inde factum ut Annis 130 circiter, Juliana ratio Politica, Solarem rationem Naturalem integro Die

excedens, Æquinoctium, quod tempore Christi & Julii Cæsaris in 24 vel 25 Martii incidebat, tempore Concilii Nicæni, quod Anno Christiano 325 celebratum fuit, in 20 vel 21; hodie vero in 30 vel 31 ejusdem Mensis Diem retrojecerit. Huic inordinati-
oni Gregorius XIII remedium adhibiturus, Calendarium refor-
mavit, ejectis 10 Diebus, & reducto Æquinoctio ad 21 Martii,
ubi erat tempore Concilii Nicæni, ut ita Pascha, & reliqua Festa
mobilia iterum ad mentem Concilii Nicæni celebrari possent.
Et ab eo tempore duplex capitesse Annus in Republicâ Christia-
nâ, Vetus nempe & Novus, quorum formam exhibet sequens

CALENDARIUM JULIANO - GREGORIANUM.

Dies	Julius.				Augustus.				September.			
	Lit	CycD	Epact	D R	Lit	CycD	Epact	D R	Lit	CycD	Epact	D R
1	G	19	26	Cal.	C	8	25.24	Cal.	F	16	23	Cal.
2	A	8	XXV ²⁵	VI	D	16	23	IV	G	5	22	IV
3	B		24	V	E	5	22	III	A		21	III
4	C	16	23	IV	F		21	Prid.	B	13	20	Prid.
5	D	5	22	III	G	13	20	Non	C	2	19	Non
6	E		21	Prid.	A	2	19	VIII	D		18	VIII
7	F	13	20	Non	B		18	VII	E	10	17	VII
8	G	2	19	VIII	C	10	17	VI	F		16	VI
9	A		18	VII	D		16	V	G	18	15	V
10	B	10	17	VI	E	18	15	IV	A	7	14	IV
11	C		16	V	F	7	14	III	B		13	III
12	D	18	15	IV	G		13	Prid.	C	15	12	Prid.
13	E	7	14	III	A	15	12	Idus	D	4	11	Idus
14	F		13	Prid.	B	4	11	XIX	E		10	XVIII
15	G	15	12	Idus	C		10	XVIII	F	12	9	XVII
16	A	4	11	XVII	D	12	9	XVII	G	1	8	XVI
17	B		10	XVI	E	1	8	XVI	A		7	XV
18	C	12	9	XV	F		7	XV	B	9	6	XIV
19	D	1	8	XIV	G	9	6	XIV	C		5	XIII
20	E		7	XIII	A		5	XIII	D	17	4	XII
21	F	9	6	XII	B	17	4	XII	E	6	3	XI
22	G		5	XI	C	6	3	XI	F		2	X
23	A	17	4	X	D		2	X	G	14	1	IX
24	B	6	3	IX	E	14	1	IX	A	3	*	VIII
25	C		2	VIII	F	3	*	VIII	B		29	VII
26	D	14	1	VII	G		29	VII	C	11	28	VI
27	E	3	*	VI	A	11	28	VI	D	19	27	V
28	F		29	V	B	19	27	V	E		XXV ²⁶	IV
29	G	11	28	IV	C		26	IV	F	8	25.24	III
30	A	19	27	III	D	8	25	III	G		23	Prid.
31	B		XXV ²⁶	Prid.	E		24	Prid.				

Dies	October.				November.				December.			
	Lit	CycD	Epact	D R	Lit	CycD	Epact	D R	Lit	CycD	Epact	D R
1	A	16	22	Cal.	D		21	Cal.	F	13	20	Cal.
2	B	5	21	VI	E	13	20	IV	G	2	19	IV
3	C	13	20	V	F	2	19	III	A		18	III
4	D	2	19	IV	G		18	Prid.	B	10	17	Prid.
5	E		18	III	A	10	17	Non	C		16	Non
6	F	10	17	Prid.	B		16	VIII	D	18	15	VIII
7	G		16	Non	C	18	15	VII	E	7	14	VII
8	A	18	15	VIII	D	7	14	VI	F		13	VI
9	B	7	14	VII	E		13	V	G	15	12	V
10	C		13	VI	F	15	12	IV	A	4	11	IV
11	D	15	12	V	G	4	11	III	B		10	III
12	E	4	11	IV	A		10	Prid.	C	12	9	Prid.
13	F		10	III	B	12	9	Idus	D	1	8	Idus
14	G	12	9	Prid.	C	1	8	xviii	E		7	xix
15	A	1	8	Idus	D		7	xvii	F	9	6	xviii
16	B		7	xvii	E	9	6	xvi	G		5	xvii
17	C	9	6	xvi	F		5	xv	A	17	4	xvi
18	D		5	xv	G	17	4	xiv	B	6	3	xv
19	E	17	4	xiv	A	6	3	xiii	C		2	xiv
20	F	6	3	xiii	B		2	xii	D	14	1	xiii
21	G		2	xii	C	14	1	xi	E	3	*	xii
22	A	14	1	xi	D	3	*	x	F		29	xi
23	B	3	*	x	E		29	ix	G	11	28	x
24	C		29	ix	F	11	28	viii	A	19	27	ix
25	D	11	28	viii	G	19	27	vii	B		26	viii
26	E	19	27	vii	A		xxv ²⁶	vi	C	8	xxv ²⁵	vii
27	F		26	vi	B	8	25.24	v	D		24	vi
28	G	8	xxv ²⁵	v	C		23	iv	E	16	23	v
29	A		24	iv	D	16	22	iii	F	5	22	iv
30	B	16	23	iii	E	5	21	Prid.	G		21	iii
31	C	5	22	Prid.					A		20	Prid.

Dies	Januarius.				Februarius.				Martius.			
	Lit	CycD	Epact	D R	Lit	CycD	Epact	D R	Lit	CycD	Epact	D R
1	A	3	*	Cal.	D		29	Cal.	D	2	*	Cal.
2	B		29	IV	E	11	28	IV	E		29	VI
3	C	11	28	III	F	19	27	III	F	11	28	V
4	D		27	Prid.	G	8	XXV26	Prid.	G		27	IV
5	E	19	26	Non	A		25.24	Non	A	19	26	III
6	F	8	XXV25	VIII	B	16	23	VIII	B	8	XXV25	Prid.
7	G		24	VII	C	5	22	VII	C		24	Non
8	A	16	23	VI	D		21	VI	D	16	23	VIII
9	B	5	22	V	E	13	20	V	E	5	22	VII
10	C		21	IV	F	2	19	IV	F		21	VI
11	D	13	20	III	G		18	III	G	13	20	V
12	E	2	19	Prid.	A	10	17	Prid.	A	2	19	IV
13	F		18	Idus	B		16	Idus	B		18	III
14	G	10	17	XIX	C	18	15	XVI	C	10	17	Prid.
15	A		16	XVIII	D	7	14	XV	D		16	Idus
16	B	18	15	XVII	E		13	XIV	E	18	15	XVII
17	C	7	14	XVI	F	15	12	XIII	F	7	14	XVI
18	D		13	XV	G	4	11	XII	G		13	XV
19	E	15	12	XIV	A		10	XI	A	15	12	XIV
20	F	4	11	XIII	B	12	9	X	B	4	11	XIII
21	G		10	XII	C	1	8	IX	C		10	XII
22	A	12	9	XI	D		7	VIII	D	12	9	XI
23	B	1	8	X	E	9	6	VII	E	1	8	X
24	C		7	IX	F		5	VI	F		7	IX
25	D	9	6	VIII	G	17	4	V	G	9	6	VIII
26	E		5	VII	A	6	3	IV	A		5	VII
27	F	17	4	VI	B		2	III	B	17	4	VI
28	G	6	3	V	C	14	1	Prid	C	6	3	V
29	A		2	IV					D		2	IV
30	B	14	1	III					E	14	1	III
31	C	3	*	Prid					F	3	*	Prid

Dies	Aprilis.				Majus.				Junius.			
	Lit	CycD	Epact	D R	Lit	CycD	Epact	D R	Lit	CycD	Epact	D R
1	G		29	Cal.	B	11	28	Cal.	E		27	Cal.
2	A	11	28	IV	C		27	VI	F	19	XXV ²⁶	IV
3	B		27	III	D	19	26	V	G	8	25.24	III
4	C	19	XXV ²⁶	Prid.	E	8	XXV ²⁵	IV	A	16	23	Prid.
5	D	8	25.24	Non	F		24	III	B	5	22	Non
6	E	16	23	VIII	G	16	23	Prid.	C		21	VIII
7	F	5	22	VII	A	5	22	Non	D	13	20	VII
8	G		21	VI	B		21	VIII	E	2	19	VI
9	A	13	20	V	C	13	20	VII	F		18	V
10	B	2	19	IV	D	2	19	VI	G	10	17	IV
11	C		18	III	E		18	V	A		16	III
12	D	10	17	Prid.	F	10	17	IV	B	18	15	Prid.
13	E		16	Idus	G		16	III	C	7	14	Idus
14	F	18	15	XVIII	A	18	15	Prid.	D		13	XVIII
15	G	7	14	XVII	B	7	14	Idus	E	15	12	XVII
16	A		13	XVI	C		13	XVII	F	4	11	XVI
17	B	15	12	XV	D	15	12	XVI	G		10	XV
18	C	4	11	XIV	E	4	11	XV	A	12	9	XIV
19	D		10	XIII	F		10	XIV	B	1	8	XIII
20	E	12	9	XII	G	12	9	XIII	C		7	XII
21	F	1	8	XI	A	1	8	XII	D	9	6	XI
22	G		7	X	B		7	XI	E		5	X
23	A	9	6	IX	C	9	6	X	F	17	4	IX
24	B		5	VIII	D		5	IX	G	6	3	VIII
25	C	17	4	VII	E	17	4	VIII	A		2	VII
26	D	6	3	VI	F	6	3	VII	B	14	1	VI
27	E		2	V	G		2	VI	C	3	*	V
28	F	14	1	IV	A	14	1	V	D		29	IV
29	G	3	*	III	B	3	*	IV	E	11	28	III
30	A		29	Prid	C		29	III	F		27	Prid
31					D	11	28	Prid				

CAPUT VII.

DE CALENDARII EXPLICATIONE.

196. Fuit *Calendarium* ipsum, quod ut eo rectius intelligatur, observanda est ejus *Explicatio & Vfus*.
197. *Explicationem* quod concernit, respicit ea vel *Columnas* ipsas, vel *Columnarum contenta*.
198. *Columnæ* sunt vel *Laterales* vel *Areales*.
199. *Columna Lateralis* sive sinistima cujusq; *Paginæ* continet *Dies Mensium*, ordine naturali descendendo.
200. *Columnæ Areales* sunt cujusq; *Mensis* quaternæ, quarum *prima* quæq; continet septem Litteras A, B, C, D, E, F, G, ordine repetitas, quæ sunt *Feriæ primæ* seu *Diei Dominicæ* indices, quippe earum una quotannis *Diem Dominicam* designat, quæ ex *Cyclo Solis* supra proposito petenda est. *Secunda* comprehendit *Cyclum Lunarem* seu *Aureos Numeros*, pro investigando *Paschate Veteris Calendarii*, *Tertia* exhibet *Epactas*, quæ loco *Cycli Lunaris* in *Calendario novo* usurpantur. *Quarta* demum *Columna* continet *Calendas*, *Nonas* & *Idus*, secundum quos *Romani Dies Mensis* indigitare & numerare solebant.
201. Contenta in *Columnis Lateralibus*, ut & in *Arealibus* primâ & quartâ, nihil in se difficultatis habent; sed *Columnæ secundæ*, in quâ *Numeri aurei*, & *tertiæ*, in quâ *Epactæ dispositæ* exhibentur, dispositionis ratio declaranda venit.
202. *Numerorum aureorum Dispositionem* *Veteres* ita instituerunt, ut *primus Cycli Annus*, primusq; *Mensis* seu *Novilunium Paschale* à 23 *Martii* inciperet, ex quo *Lunationes* alternatim 29 & 30 *Dierum* numerarentur, donec completo anno communi 354 *Dierum*, primus *secundi Anni Mensis* incideret in 12 *Martii*; ejusq; 354. *Dies* similiter in primo *Martii* finirentur. Sed cum *Lunatio hæc* 1 *Martii* incidens, tertium annum incipere nondum possit, eo quod octavum *Martii* antevertat, ante quem *Lunatio Paschalis* nulla incidere potest; (Ejus enim *Plenilunium* seu *Luna 14* contingeret ante 21 *Martii*, hoc est ante *Diem Æquinoctii*;) ideo *Annus secundus* fit *Embolimæus*, & inseritur *Mensis* 30 *Dierum* ut ita *Novilunium primum Tertii Anni* in 31 *Martii* necessariò incidat,

dat. Atq; ejusmodi Anni Embolimæi fiunt etiam quintus, septimus, decimus, decimus tertius, decimus sextus & decimus octavus, qui omnes complectuntur tredecim Lunationes 30 Dierum, excepto decimo octavo Cycli Anno, in quo Lunatio, quæ inseritur, tantum 29 Dierum est. Et quoniam Veteres cognoverunt, Novilunia post novendecim annos ad eosdem annos redire; ideoq; totidem Numeros, incipiendo ab unitate; ad 19 usq; Calendarii Diebus, quibus per omnes novendecim Annos Novilunia contingebant, assignarunt, ita unitatem illis Diebus apposuerint, in quibus currente Aureo numero 1 Novilunia & Binarium illis Diebus, quibus currente Aureo Numero 2 similiter Novilunia acciderunt. Et sic consequenter, prout Calendarium supra propositum Aureos Numeros per totum Cyclum ostendit.

203. *Epactæ* in Columnâ tertiâ pro Calendario novo ita dispositæ sunt. Primo Diei Januarii appositæ est Epacta 30 seu potius * (cum nulla Epacta propriè ad 30 dies sese extendat, nec ulla Lunatio in Cœlo, quâ tamen Epacta semper minor esse debet, numerum tricenarium exæquet) secundo 29, tertio 28, & ita porro retrogrado ordine procedendo, usq; ad 1. Et hæc Epactarum series per Annum ordine duodecies integrè ponitur, propter 12 Lunationes in Anno præter has undecim *, 29, 28, 27, 26, 25, 24, 23, 22, 21, 20: quæ decimo tertio repetuntur in fine Decembris, ob 11 Dies, quibus Annus Solaris 365 Dierum, Annum Lunarem 354 excedit: hæc tamen adhibitâ cautione, ut duæ hæ Epactæ 25 & 24 in collocationibus paribus, hoc est, in secundâ, quartâ, sextâ, octavâ, decimâ, duodecimâ eidem Diei nempe 5 Febr. 5 April: 3 Jun; 1 Aug. 29 Sept: & 27 Nov. simul adscribantur: idq; ideò, ut Lunationes alternatim fiant Cavæ & Plenæ, hoc est, 29 & 30 Dierum; quæ aliàs, nisi cautio hæc adhiberetur, omnes fierent plenæ seu 30 Dierum, quod fieri non debet. Deinde in posterioribus octo aureis Numeris 12, 13, 14, 15, 16, 17, 18, 19, in iisdem collocationibus paribus, ubi Epactæ 25 & 24 concurrunt, Epactæ 26 adscribitur adhuc alia Epacta XXV, diverso aut Colore aut caractere notata, idq; ideò, ne duo Aurei Numeri, aut duo Novilunia in eundem Diem simul incidant; in aliis vero locis eadem Epacta XXV, coloris aut characteris diversi, apponitur Epactæ 25. De quibus hoc sciendum

dum est, quod currente Numero aureo minore quàm 11, Epacta 26 cum Epactâ XXV diverso colore aut caractere notata usurpetur: currente vero numero aureo majore quàm 11, Epacta 24 cum Epacta 25 adhibeatur. Nisi enim Epactæ ad hunc modum ordinatæ essent, non possent Lunationes alternatim esse 30 & 29 Dierum; sed fierent quædam, quæ debent 30 Dierum esse, saltem 29 Dierum, & vice versa. Atq; hac ratione Epactis per Calendarium dispositis, Luna prima accidit illis Diebus, quibus Epacta illius Anni adscripta repetitur.

CAPUT VIII.

DE PASCHATE UTRIVSQUE CALENDARI.

204. *Explicationem Calendarii* excipit ejusdem *Vsus*, qui, præter alios, est, ut ex eo PASCHA, & quæ inde antrorsum & retrorsum numerantur, *Festa mobilia* imprimis *Intervallum* tum *minus* tum *magis*, erui & cognosci possint. Quod enim Festa Fixa concernit, de iis supra *Lib. 1. cap. 2.* satis jam egimus, & eorum tempus vel ex quovis Calendario communi & vulgari haberi potest.
205. PASCHA est Festum mobile sacrum & Solenne, quod tum à Judæis tum à Christianis observatur & celebratur. Est itaq; duplex, *Judaicum* & *Christianum*.
206. *Pascha Judaicum* à Deo ipso fuit institutum, & ex mandato ipsius *Exod. 12. Levit. 23.* immolatione Agni immaculati Populo Israelitico, Die decimo quarto primi Mensis *Nisan*, ad Vesperam, cujus Mensis initium est à Novilunio, Æquinoctio Verno proximo, celebrandum erat, in memoriam beneficiorum, quæ Deus Israëlitis in Ægypto affatim exhibuerat.
207. *Pascha Christianorum* est institutum ab Ecclesiâ Christianâ in memoriam Christi, in Cruce pro nobis immolati, quem Agnus Paschalis Veteris Testamenti præfigurabat, & non in ipsâ decimâ quartâ Lunâ cum Judæis, sed in Dominicâ, quæ illam proximè consequitur, celebratur.
208. *Paschalis Christiani* notanda sunt *Tempus*, quo Pascha celebrandum est, & *Modus investigandi* Tempus illud.
209. *Tempus* quod concernit, fuerunt de eo in primitivâ Ecclesia magnæ contentiones. Romani enim & Europæi prætendentes

traditionem Petri & Pauli, volebant Pascha esse celebrandum die Dominica, quæ proximè sequitur Pascha Judæorum. Græci contra & Asiatici contendebant Pascha celebrandum esse eodem cum Judæis Die, prætendentes Traditionem Johannis Evangelistæ, quem in Asiâ docuisse & mortuum esse constat. Duravitq; hoc dissidium usq; ad Concilium Nicænum, in quo tandem Controversia hæc per Constantinum Magnum ita decisa fuit, ut pronuntiaretur pro Occidentalibus & Romanis, & contra Orientales, & Græci causa caderent, qui Quartadecimani dicti, & hæreseos postulati sunt. Canones autem Paschales Concilii Nicæni hi fermè sunt:

1. *Vigesimus primus Dies Martii semper habeatur pro Die Æquinoctii.*
 2. *Plenilunium incidens in 21 Martii, vel proximè sequens, haberi debet pro Plenilunio Nisan & Terminò Paschali.*
 3. *Dies Dominica, quæ proximè sequitur illud Plenilunium, sit ipsa Dies Paschæ.*
 4. *Si Plenilunium Nisan incidat in Dominicam, octiduo post Pascha celebretur.*
210. Circa Tempus Paschæ ergo, ut ex Canonibus illis apparet, hæc duo observanda & probe discernenda sunt, nempe *Terminus Paschalis*, qui Pascha ostendit, & *Dies Paschalis*, quo Pascha celebratur. Nam
- Terminus & Festum nunquam celebrantur eodem:*
sive nunquam in unum eundemq; Diem coincidunt. Vel juxta
sequens Distichon:
- Terminus & Festum nunquam junguntur in unum;*
Festum sed Domini Luce sequente cluit.
211. *Terminus Paschalis est Luna decima quarta seu Plenilunium illud, quod vel in ipsum 21 Martii incidit, vel eum proximè sequitur. Nullum enim Plenilunium Paschale ante Diem Æquinoctii seu 21 Martii incidere potest, uti nec Novilunium Paschale ullum ante Diem 8 Martii. Hinc si Die 20 Martii Plenilunium aliquod contingat, illud pro Terminò Paschali non agnoscitur, sed aliud expectan-*

expectandum est, quod nempe post Dies 29 sequitur, & in Diem 18 Aprilis cadit, cujusq; Novilunium contingit 5 Aprilis. Terminus itaq; Paschalis citimus est 21 Martii: ultimus vero 18 Aprilis.

212. *Dies Paschalis* est semper ea Dominica, quæ Terminum Paschalem proximè sequitur. Cum ergo Terminus citimus Paschalis sit 21 Martii: sequitur propiorem Dominicam, quæ illum consequatur, incidere non posse quàm 22 Martii. Et cum Terminus Paschalis ultimus sit 18 Aprilis, sequitur, quod & serius Pascha nunquam celebrari possit, quàm 25 Aprilis. Nam si 18 Aprilis fuerit Dies dominica, differendum erit Pascha per Octiduum, usq; in sequentem Dominicam, quæ cadit in 25 Aprilis, Paschalis itaq; Dies nunquam citius incidere potest, quàm 22 Martii, nec unquam serius, quàm 25 Aprilis.

213. *Modus investigandi* Tempus Paschale, alius est in Veteri Calendario, alius est in Novo.

214. In Veteri Calendario Pascha investigatur ita:

1. Quære per *Thes.* 177. Anni propositi Numerum aureum.
2. Numerum hunc aureum quære in Calendarii Columnâ secundâ, post Nonas Martias, seu post 7 Martii, & cuicumq; Diei adscriptum eum invenies, ea ipsa Dies est Neomenia Paschalis.
3. Inventæ Diei Neomeniæ annumeras dies tredecim, habebis Lunam decimam quartam, sive Terminum Paschalem Christianorum.
4. A Termini Paschalis Litterâ, numera usq; ad Litteram dominicalem proximè sequentem, & Dies, quæ Litterâ dominicali est insignitâ est ipsa Dies Paschæ quæsita.

215. *Exempli gratiâ*: Anno 1673 Numerus aureus per *Thes.* 178. reperi-
tus est 2. Hunc numerum 2 in Columnâ secundâ Calendarii post
7 Martii, adhærere invenio 12 Martii. Huic 12 Martii annu-
ero dies 31, & deducor ad 25 Martii, qui est Luna decima quarta
Cyclica, seu Terminus Paschalis; cui è regione in columnâ primâ
respondet littera G. Tandem cum littera Dominicalis Anno 1673
per *Caput 2 hujus libri*, reperiatur esse E ideo à G descendo usq; ad
E, cui respondere video 30 Martii, qui fuit Dies Paschalis hujus
anni propositi in Calendario Veteri quæsitus.

216. Idem Pascha, pro Calendario Veteri, facilius etiam ex subiectâ Tabella deprehendes.

Tabella Numeri Aurei & Termini Paschalis V. C.

Aureus Numer.	Terminus Paschalis.	Aureus Numer.	Terminus Paschalis.	Aureus Numer.	Terminus Paschalis.
1	5 April. D	7	30 Martii. E	13	24 Martii. F
2	25 Mart. G	8	18 April. C	14	12 April. D
3	13 April. E	9	7 April. F	15	1 April. G
4	2 April. A	10	27 Mart. B	16	21 Mart. E
5	22 Mart. D	11	15 April. G	17	9 April. A
6	10 April. B	12	4 April. C	18	29 Mart. D
				19	17 April. B

Sit enim quærendum Pascha pro eodem Anno 1673. Itaq; cum Anni propositi Numerus aureus sit 2, & Littera Dominicalis E. Ideo quæro saltem in Tabulâ Numerum aureum 2, cui respondere reperio 25 Martii, qui adscriptam habet Litteram G. Numero ergo à G usq; ad E litteram dominicalem hoc modo;

G, A, B, C, D, E.

25, 26, 27, 28, 29, 30.

& reperio ut antea, Pascha cadere in 30 Martii.

217. In Calendario novo eodem prorsus modo Pascha inquiritur, quo in Veteri Calendario, nisi quod loco aurei Numeri adhibeatur Epacta Anni propositi. Ut sit quærendum Pascha pro eodem anno 1673. Ergo

1. Quæro per *Thes.* 183. & 184. Epactam anni dati, quæ loco dicto reperiebatur pro Calendario Novo 12.

2. Cum Epactâ hâc 12 ingredior Calendarium, & quæro eam in columnâ tertiâ post 7 Martii, quam invenio adscriptam 19 Diei Martii.

3. Huic

3. Huic Diei 19 Martii annumero Dies 13, deducor ad 1 Aprilis, qui est Terminus paschalis anni dati, cui responder in Columnâ primâ Littera G.

4. Littera dominicalis hujus Anni supra deprehensa fuit *Thes.* 164 A, à G ergo descendo usq; ad A, quam adscriptam invenio 2 Aprilis: qui est Dies paschalis quæsitus.

218. Idem Pascha pro Calendario Novo cognosci potest etiam ex sequente Tabulâ, & quidem ita: Epactam anni dati 1673, quæ est 12, quæro in Tabulâ, cui respondere deprehendo 1 Aprilis, cum Littera G; Cumq; Littera dominicalis hujus anni sit A; ideo numero à G usq; ad A, & deprehendo Litteram A competere 2 Aprilis, qui Paschalis Dies est, ut antea, quæsitus.

Tabella Epactæ & Termini Paschalis Novi Calendarii.

Epact.	Terminus Paschalis.	Epact.	Terminus Paschalis.	Epact.	Terminus Paschalis.
1	12 April. D	7	6 April. E	13	31 Mart. F
12	1 April. G	18	26 Mart. A	24	18 April. C
23	21 Mart. C	29	14 April. F	25	8 April. G
4	9 April. A	10	3 April. B	10	28 Mart. C
15	29 Mart. D	21	23 Mart. E	27	10 April. A
26	17 April. B	2	11 April. C	8	5 April. D
				19	25 Mart. G

CAPUT IX.

DE INTERVALLO MINORE ET MAJORE.

219. Cognitio Die Paschatos, reliquæ Dies dominicæ tum antecedentes tum consequentes, uti & omnia reliqua Festa mobilia, imprimis *Intervallum minus & majus* cognosci de facili possunt & determinari.

220. *Intervallum minus* nihil aliud est, quam Numerus Septimanarum & Dierum, inter Nativitatem Christi & Dominicam Quinquagesimæ seu *Esto Mihi*: Germanicè die Zeit zwischen Weihenachten und Fastnacht.

221. *Intervallum Majus* est Numerus Dominicarum post Trinitatis, ad minimum 22 Hebdomadarum sive Dominicarum. Hoc Intervallum Majus, crescente Intervallo minore, minuitur; & contra, decrescente Intervallo minore, Intervallum majus augetur. Utrumq; autem crescit vel decrescit; prout ipsum Pascha incidit vel citius vel serius.

Quando enim Intervallum Minus est Septimanarum

6. 7. 8. 9. 10. $10\frac{2}{7}$ aut minus:

Tunc Intervallum Majus est Septimanarum

27. 26. 25. 24. 23. 22.

222. *Intervallum Minus*, à quo reliqua Festa mobilia promptissimè deducuntur, vel per Calculum, vel ex Tabulis, hanc ad rem constructis, cognosci potest.

223. Per Calculum Intervallum minus pro utroq; Calendario hoc modo investigatur:

1. Collige Dies, quæ à Die Nativitatis Christi ad Pascha usq; numerantur, in unam Summam.
2. A summâ collectâ subtrahe dies 50, & residuum divide per 7.
3. Quotus emergens indicat Septimanas, & Relictum Dies Intervalli minoris, hoc est, Dominicam Quinquagesimæ seu *Esto mihi*, qui semper 9 Septimanis à Paschate distat.

Exemplum.

224. Anno 1673 Pascha Veteris Calendarii incidit in 30. Martii: Novi Calendarii vero in 2. Aprilis. Operor ergo pro utriusq; Calendarii Intervallo minore ita;

Pro

Pro V. C.

Pro N. C.

7 Dies à Nat. ad finem,
 31 Dies Januarii
 28 Dies Februarii
 30 Dies Martii

 96 Summa Dierum
 50 Subtr.

 46 Residuum

7 Dies à Nat. ad finem Anni
 31 Dies Januarii,
 28 Februarii
 31 Martii
 2 Aprilis

 99 Summa Dierum
 50 Subtr.

 49 Residuum

⁴
~~46~~ | 6. Ergo Intervallum
 7 | minus pro Cal. Vet.
 est 6 Sept. 4 Dier.

~~49~~ | 7. Ergo Intervallum mi-
 7 | nus pro Novo Cal. est
 7 Sept. 0 Diei.

225. Ex Tabulis idem Intervallum facilius & promptius cognosci potest, & quidem pro Veteri Calendario ita: Ingredere cum Aureo Numero & Litterâ dominicali Anni propositi, Tabulam, & quare Aureum Numerum in Latere alterutro, Litteram vero Dominicalem in Fronte, & Angulus communis in Arcâ monstrabit Numerum septimanarum Intervalli minoris: Numerus vero supra Litteram dominicalem positus, Dies concurrentes, qui septimanis in Arcâ inventis sunt annumerandi.

Tabula Intervalli Minoris pro V. C.

Aure9 Num.	0	1	2	3	4	5	6	Aure9 Num.
	A	B	C	D	E	F	G	
1	8	8	8	8	7	7	7	1
2	6	6	6	6	6	6	6	2
3	9	9	9	9	9	8	8	3
4	8	7	7	7	7	7	7	4
5	6	6	6	6	5	5	5	5
6	9	9	8	8	8	8	8	6
7	7	7	7	7	7	6	6	7
8	10	10	10	9	9	9	9	8
9	8	8	8	8	8	8	7	9
10	7	7	6	6	6	6	6	10
11	9	9	9	9	9	9	9	11
12	8	8	8	7	7	7	7	12
13	6	6	6	6	6	6	5	13
14	9	9	9	9	8	8	8	14
15	7	7	7	7	7	7	7	15
16	6	6	6	5	5	5	5	16
17	9	8	8	8	8	8	8	17
18	7	7	7	7	7	6	6	18
19	10	10	9	9	9	9	9	19

Exemplum.

226. Anni 1673 Aureus Numerus Veteris Calendarii est 2, & Littera dominicalis E. Qværo ergo 2 in Latere, & Litteram E in Fronte, Angulusq; communis exhibet 6 septimanas & supra super Littera E 4 Dies.
227. Pro Novo Calendario Intervallum minus ex sequente Tabula cognoscitur hâc ratione. Cum Litterâ dominicali & Epactis Anni dati ingredi Tabulam, & Litteram dominicalem qvære in Columnâ sinistrâ, Epactam in mediâ, & columna Dextra monstrabit e regione Intervallum minus qvæsitum.

Ta-

Tabula Intervalli Minoris pro N. C.

Litera Domin.	Cyclus Epactarum.	Interv. Min.	
		Sept.	Dies
A.	23. 22. 21. 20. 19.	6	0
	18. 17. 16. 15. 14. 13. 12.	7	0
	11. 10. 9. 8. 7. 6. 5.	8	0
	4. 3. 2. 1. * 29. 28.	9	0
	27. 26. XXV. 25. 24.	10	0
B.	23. 22. 21. 20. 19. 18.	6	1
	17. 16. 15. 14. 13. 12. 11.	7	1
	10. 9. 8. 7. 6. 5. 4.	8	1
	3. 2. 1. * 29. 28. 27.	9	1
	26. XXV. 25. 24.	10	1
C.	23. 22. 21. 20. 19. 18. 17.	6	2
	16. 15. 14. 13. 12. 11. 10.	7	2
	9. 8. 7. 6. 5. 4. 3.	8	2
	2. 1. * 29. 28. 27. 26. XXV.	9	2
	25. 24.	10	2
D.	23.	5	3
	22. 21. 20. 19. 18. 17. 16.	6	3
	15. 14. 13. 12. 11. 10. 9.	7	3
	8. 7. 6. 5. 4. 3. 2.	8	3
	1. * 29. 28. 27. 26. XXV. 25. 24.	9	3
E.	23. 22.	5	4
	21. 20. 19. 18. 17. 16. 15.	6	4
	14. 13. 12. 11. 10. 9. 8.	7	4
	7. 6. 5. 4. 3. 2. 1.	8	4
	* 29. 28. 27. 26. XXV. 25. 24.	9	4
F.	23. 22. 21.	5	5
	20. 19. 18. 17. 16. 15. 14.	6	5
	13. 12. 11. 10. 9. 8. 7.	7	5
	6. 5. 4. 3. 2. 1. *	8	5
	29. 28. 27. 26. XXV. 25. 24.	9	5
G.	23. 22. 21. 20.	5	6
	19. 18. 17. 16. 15. 14. 13.	6	6
	12. 11. 10. 9. 8. 7. 6.	7	6
	5. 4. 3. 2. 1. * 29.	8	6
	28. 27. 26. XXV. 25. 24.	9	6

Exemplum.

228. Anni 1673 Epacta Novi Calendarii per Thef. 184. est 12, & Littera dominicalis per Thef. 164. est A. Quæro ergo Litteram A in Columnâ Tabulæ sinistrâ, & Epactam 12 in mediâ, & invenio ei in Columnâ dextrâ e regione respondere Intervallum minus, 7 Septimanarum, & 0 Diei. Hoc tamen probè notandum est, quod in Annis Bisextilibus, in quibus duæ Litteræ Dominicales occurrunt, prior semper assumenda, & in Tabulâ quærenda sit.

CAPUT X.

DE FESTIS MOBILIBUS RELIQUIS.

229. Sicut ex cognitione Paschatis Intervallum minus promptè determinatur; ita nunc ex hoc quoq; reliqua *Festa mobilia* facili negotio deducuntur, tum ea, quæ Pascha præcedunt, quàm quæ idem sequuntur.
230. *Festa mobilia*, quæ Pascha præcedunt, sunt hæc:
1. Dominica, si quæ est, inter Circumcisionis & Epiphaniæ Festum, hoc est, inter 1 & 6 Januarii, vocatur *Dominica post Circumcisionis*; quæ vero nulla est, si Circumcisionis Festum in Diem Dominicam, vel Feriam Hebdomadis secundam incidat.
 2. Dominicæ, quæ post Epiphaniæ Festum sequuntur, ordinis nomine insigniuntur ita: *Prima, Secunda, Tertia, &c. post Epiphantias*. Harum enim interdum plures, interdum pauciores constituuntur, pro Intervalli minoris majore vel minore Quantitate: & desinunt semper ante Dominicam Septuagesimæ.
 3. Dominicæ novem quæ sequuntur, ita dicuntur:
 1. *Septuagesima*, quæ semper Dominicam *Esto Mihi* duabus septimanis, seu 14 Diebus præcedit.
 2. *Sexagesima*, quæ *Esto Mihi* unâ Hebdomade seu 7 Diebus præcedit.
 3. *Esto Mihi*, seu *Quinquagesima*, quæ Intervallum minus terminat & finit. Et hanc proximo die Mercurii sequi-

sequitur *Dies Cinerum*, consecrationi & adspersioni Cinerum dicatus à Gregorio M. & præbens initium Jejunii quadragesimalis.

4. *Quadragesima seu Invocavit.*

5. *Reminiscere.*

6. *Oculi.*

7. *Letare.*

8. *Judica.*

9. *Palmarum.* Hanc sequens *Dies Mercurii* Dies est Concilii Phariseorum, die krumme *Mittwoche*/ à perversis Judæorum Consiliis. *Dies Jovis*, dicitur *Dies Viridum*, der grüne *Donnerstag*/ quâ Christus exivit in montem Olivarum. *Dies Veneris* vocatur *Dies Parasceves*, der stille oder gutte *Freitag*/ à placatâ DEI irâ, & bonis, quæ hoc die nobis parta sunt: item der *Karr*. *Freitag*/ à voce antiquâ *Karr*/ quod pœnam, seu satisfactionem pro pœnâ, denotat. Dies sequens *Dominica* est ipsum *Pascha*. *Dominicæ* hæ, quæ *Diem Cinerum* sequuntur, memoriæ causâ hisce *Dictionibus* notantur. *Mors, Imperat, Regibus, Odiosam, Linguam, Judicat, Dominus.* Germani easdem his *Dictionibus* designant: *Mitten/ Ins/ Richters/ Ofen/ Liegen/ Junge/ Palmen.*

231. *Festa mobilia*, quæ *Pascha* sequuntur, sunt

1. *Dominicæ Pascha* sequentes sex: *Quasimodogeniti, Misericordias Domini, Jubilate, Cantate, Rogationum*, seu *Vocem Jucunditatis*, & *Exaudi*. Quæ *Nomen* suum habent ab *Introitibus* in *Eclesiâ* per hoc tempus cani solitis, & memoriæ causâ hoc versu notantur:

Quem, Mea, Jusserunt, Cantica, Victor, erit,
vel

Quantâ, Mortales, Implet, Cruce, Regius, Error.

K

2. *Festum*

2. *Festum Ascensionis Christi*, quod semper in Diem Jovis post Dominicam Rogationum seu Vocem Jucunditatis incidit.
 3. *Festum Pentecostes*, quod nobis Christianis semper septimâ à Paschate Dominicâ, in memoriam Spiritus Sancti super Apostolos visibiliter effusi celebrari solet.
 4. *Festum Trinitatis*, quod octavam à Paschatos Festo Dominicam sibi vendicat; quam sequitur Die Jovis proximo, *Festum corporis Christi*, quod Urbanus Quartus Pontifex Romanus circa Annum Christi 1264 instituit.
 5. *Dominicæ*, quæ *Festum Trinitatis* sequuntur, omnes eo ordine, quo sequuntur, numerantur & appellantur, usq; ad Dominicam primam Adventus; & harum aliàs pauciores, aliàs plures existunt, prout minor vel major est Intervalli Majoris Quantitas; quorum Numerus tamen vel hâc ratione etiam cognosci potest; si nimirum Numerus Septimanarum Intervalli minoris completus, subtrahatur à 33, residuum monstrabit, quot Dominicæ post Festum Trinitatis ad primam Adventus numerandæ sint. Ut: Anno 1673 Intervallum minus est 7 Septimanarum & 0 Diei: Subtraho ergo 7 completas septimanas à 33, & relinquuntur 26 Dominicæ post Festum Trinitatis ponendæ.
 6. *Dominicæ* tandem ultimam Trinitatis sequentes quatuor, dicuntur 1, 2, 3, 4. *Adventûs*, quarum prima semper Diem Barbaræ proximè præcedit.
232. Festis hisce ritè omnibus dispositis, non negligenda sunt *Quatuor Anni tempora*, quæ vulgò *Quatember* Germanicè *Tronfast* dicuntur, quibus Conventus Tribuum & Judicia municipalia haberi solent: quorum

Primum incidit in Diem Mercurii, qui sequitur Dominicam
Quadragesimæ.

Secundum incidit in Diem Mercurii, sequentem Festum Pente-
costes.

Tertium incidit in Diem Mercurii, qui sequitur Festum Crucis.

Quartum incidit in Diem Mercurii, qui Diem Luciae sacrum
sequitur.

233. Festa præcedentia mobilia præcipua in Anno communi & Bis-
sextili, ex sequente Tabula promptius cognoscuntur hoc modo:
Intervallum minus quære in Columnâ sinistimâ, descendendo,
& repertum mox versus dextram ordine Festa quæsitâ pandet.

F I N I S.



2154

Tabula ex Intervallo minore ostendens

Festa mobilia.

In Anno communi Intervall. minus.	Dies	Qua- dragesi- ma.	In Anno Bissextili Intervall. minus.	Dies	Qua- dragesi- ma.	Domi- nica Pascha- tos.	Rogati- onum.	Ascen- sio Do- mini.	Pente- coste.	Adven- tus Do- mini.	Inter- val- lum ma- jus.
5.	3	8.	5.	4	9.	22.	26.	30. Apr.	10.	29 d.	27
5.	4	9.	5.	5	10.	23.	27.	1. Phil. 7.	11.	30 e.	27
5.	5	10.	5.	6	11.	24.	28.	2. Ma	12.	1 f.	27
5.	6	11.	6.	0	12.	25. Ann M	29.	3. Inv. +	13 Serv.	2 g.	27
6.	0	12.	6.	1	13.	26.	30.	4. Flor.	14.	3 a.	27
6.	1	13.	6.	2	14. Valen.	27.	1. Ph. 7.	5. Jus.	15. Soph.	27 b.	26
6.	2	14. Valent.	6.	3	15.	28.	2.	6.	16.	28 c.	26
6.	3	15.	6.	4	16. Julia.	29.	3. Inv. +	7.	17.	29 d.	26
6.	4	16. Julian.	6.	5	17.	30.	4. Flor.	8.	18.	30 e.	26
6.	5	17.	6.	6	18. Conc.	31.	5.	9.	19.	1 f.	26
6.	6	18. Conc.	7.	0	19.	1.	6.	10.	20.	2 g.	26
7.	0	19.	7.	1	20.	2.	7.	11.	21.	3 a.	26
7.	1	20.	7.	2	21.	3.	8.	12.	22.	27 b.	25
7.	2	21.	7.	3	22 Cath. P.	4.	9.	13. Serv.	23.	28 c.	25
7.	3	22 Cath. P.	7.	4	23.	5.	10.	14.	24.	29 d.	25
7.	4	23.	7.	5	24.	6.	11.	15. Soph.	25. Vrb.	30. e.	25
7.	5	24. Math.	7.	6	25. Math.	7.	12.	16.	26.	1. f.	25
7.	6	25.	8.	0	26.	8.	13. Serv.	17.	27.	2. g.	25
8.	0	26.	8.	1	27.	9.	14.	18.	28.	3. a.	25
8.	1	27.	8.	2	28.	10.	15. Soph.	19.	29.	27. b.	24
8.	2	28.	8.	3	29.	11.	16.	20.	30.	28. c.	24
8.	3	1.	8.	4	1.	12.	17.	21.	31.	29. d.	24
8.	4	2.	8.	5	2.	13.	18.	22.	1.	30. e.	24
8.	5	3.	8.	6	3.	14. Tib.	19.	23.	2.	1. f.	24
8.	6	4. Adri.	9.	0	4. Adri.	15.	20.	24.	3.	2. g.	24
9.	0	5.	9.	1	5.	16.	21.	25. Vrb.	4.	3. a.	24
9.	1	6.	9.	2	6.	17.	22.	26.	5. Bonif	27. b.	23
9.	2	7. Perp.	9.	3	7. Perp.	18. Val.	23.	27.	6.	28. c.	23
9.	3	8.	9.	4	8.	19.	24.	28.	7.	29. d.	23
9.	4	9.	9.	5	9.	20.	25. Vrb.	29.	8. Med.	30. e.	23
9.	5	10.	9.	6	10.	21.	26.	30.	9.	1. f.	23
9.	6	11.	10.	0	11.	22.	27.	31.	10.	2. g.	23
10.	0	12. Greg.	10.	1	12. Greg.	23. Georg	28.	1.	11.	3. a.	23
10.	1	13.	10.	2	13.	24.	29.	2.	12.	27. b.	22
10.	2	14.	10.	3	14.	25. Marc.	30.	3.	13.	28. c.	22

Corrigenda in Computo.

A. pag 6. lin. 15 lege 1 ^H 10' — 4 ^{H. inæqv.} pag. 8. lin. 28. lege 12 ^H 51'.
60

B. pag. 2. l. 24. lege *nostra*. pag. 4. l. 14. *intempesta*. pag. 5. l. 15
Vveigelio. l. 30 *Principalia*. C. pag. 1. l. 17 *subditis*. l. 29 *fuit*) pag. 3.
l. 14. *quantitas*. pag. 5. l. 30 *σκιερφοριών*. pag. 6. l. 27 *salientes*.
l. 35 כסליו pag. 7. l. 8 *soleant*. pag. 8. l. 8 *calebatur*. l. 17 *μεσο-*
μήνιον. Plag. H. fac. 5. lin. 32 *pro Paschalis leg. Paschatis*. Plag. I.
fac. 1. lin. 31. *pro dies 31 leg. dies 13*. fac. 3 *in column. Epact. lin. 19*
pro 25 leg. 5. lin. 20 *pro 10 lege 16*. lin. 21 *pro 10 Apr. lege 16 April.*
lin. 27 *pro Cognitio lege Cognito*.

[Faint, mirrored text bleed-through from the reverse side of the page, likely a library inventory or title page.]



Schultze, Christoph,

Christophori Schultz computus theorico-practicus, facili ac succincta
methodo in compendium redactus ... tabulis necessariis instructus

Vratislaviae [1694]

Augsburg, Staats- und Stadtbibliothek -- 4 Gs 2291#(Beibd.
urn:nbn:de:bvb:12-bsb11212364-7